







3034 3366 73023531 1048 1801 2271 3005

Platina. Scitum et canabis ipsa  
vincat limbum, decoratissima post indeciman  
fines ad infum praestat. Ex semine ca-  
nabis tincto ribesia quaedam fiunt, quae  
et stomacho et capiti, ac deniq. membris  
omnibus plurimum ualent. Aitit canabin

Offa canabina. Cbarium canabin  
Idem de Samburo. Flos eius in cibis  
sumptis hepatis splentis, cardiacis  
atq. huiusmodi prodest. Arum iure quo  
et capilli can. tinguuntur potum ex aqua  
irinum mouet. Folia in uino pota  
serpentem uelily resistunt. Aqua in qua  
folia macerata fuerint sparsa per domum  
pulvis uocat. Versio ten foliorum  
sparsa missas uocat

Hueme paleis, aestate fratribus OVA  
percomode seruantur

POMA item omnia percomode seruantur  
si pomaria in tabulatis posita, fenestras ab  
austro ad septentrionem reagentes habuerint  
Substerni stramentis ac paleis debent, ne  
humore uinis qui ex contactu oritur foveantur  
Aufsack mittagk wird sichwind

W. S. M. V.  
1598  
Tobias IV 74

Shelvre Under 2025/8



Platina 5869 6605 Cimer

Ad Somnum rex mortales imitat, quod tean  
 quilla, quod offensa, qd. frigida et humida est  
 Hinc cimeri et plerumq. intertextibus quos habet  
 ratione fructum tollit & Cimmeri non angustum  
 vendit in aquam, eam in lectum, et que  
 uoles infundit. Vel fel B. diluit cum aceto  
 mixtura superfundit, nulli usque. Fuga  
 bitur item ex cubiculo pulvis, si aquam ex  
 rociando rorunguag fundas.  
 Meendari hoc est. metidie dormire, nisi p.

101 SAMMELBAND von 19 meist deutschen, medizinischen Schriften des 16. Jh.  
 4. Kalblbrd. d. Zt. auf Holz mit Schließen. (1 fehlt).

1. Regiment wie einer gesundes leben erhalten und lange leben mag. (in Versen). (Erfurt, G. Bawman), 1571. 4 Bll. — 2. RYFF, G. Zwölff kurtze Regeln nach ordnung d. 12 monath, deren man sich zu erhalt. d. Gesundheit nützlich brauchen mag. O. O. u. J. 4 Bll. — 3. BRUNSWIG, H. Thesaurus pauperum, e. Haussapotheck. Frkft., Egen., (1539). 79 Bll. M. Holzschnittbord. u. Textholzschnitten von H. S. Beham(?). — 4. HUNDT, M. Ein nützl. Regiment wider etl. krankheit d. Brust und besond. wider den Husten, wider Podegrams, wider die krankheit d. Frantzosen. Frkf., Gölfferich, 1549. 36 Bll. — 5. Kurtzer Bericht v. d. hitzigen schweren Seuchen, so jetziger zeyt in Preußen regieren. O. O. 1557. 12 Bll. Mit schönem Titelholzschnitt. — 6. NOVENIANUS, PH. M. Von den bösen Bauchflüssen und Durchlauff ursprung, etc. Wittenb., Lufft, 1558. 27 Bll. (Mejer, p. 84). — 7. Wundarzney Joa. Charetani, Lanfranci, L. Friesen, etc. bericht d. Aderlässe. Frkft., Egen., o. J. 12 Bll. M. anatom. Titelholzschn. (Schluß fehlt). — 8. STROMER, H. Schutzrede und verteidigung des alters. Von Aurbach lat. beschrieben. Wittenb. (G. Rhaw), 1537. 13 Bll. — 9. KALW, UD. v. Ein kurtz regiment vor die pestelentz. (Leipzig, M. Landesspergk, 1507). 15 Bll., Mit großem Titelholzschn. — 10. GÖRLITZER, J. S. Ein kurtzer Unterricht, wie man sich zur Zeit d. Pestilentz bewaren und halten soll. (Wittenberg, J. Klug), 1540. 15 Bll. — 11. BRUNFELS, D. Von apotekischen Confectionen, Lattwegen, etc. Straßburg, Cammerlander, o. J. 16 Bll. Mit großem Titelholzschn., 3 ganzseitigen u. 3 kl. Holzschn. — 12. Auslegung und beschreybung der Anatomie, etc. Nürnberg, Guldenmundt, 1541. 12 Bll. Mit Textholzschn. Choulant-Frank 157. — 13. RULAND, M. New Aderlaß buch. Lauingen, Saltzer, 1566. 34 Bll. — 14. MEURER, W. De vera corroborandi ratione capita ad disputandum proposita. Lips., V. Papa, 1555. 9 Bll. — 15. FIDLER, F. Elegia de radice malorum. (Königsberg?) 1549. 2 Bll. — 16. VIEHARTZNEI auss Varrone, Plinio, Vergilio, Palladio, etc. Frankfrt., Egen., 1550. 26 Bll. M. zahlr. Holzschn. — 17. SCULTETUS, B. Ein ewiger Prognosticon v. aller Witterung in d. Lufft, etc. Görlitz, Fritsch, 1572. 20 Bll. — 18. WEYS, NIC. Prognosticon astrologicum v. d. 1572. biss auff das 1588. jar. O. O. u. J. 8 Bll. Mit schönem Titelholzschn. — 19. WETTERBUCHLIN. (Worms, B. Wagner, 1534). 8 Bll. Mit 2 kl. Titeln. e. ganzseit. Holzschnitt.

Außerordentlich interessanter Sammelband von kostbaren größeren und kleineren Werken. Mit interessanten hs. Notizen auf den leeren weißen Blättern, einige Bll. leicht gebräunt, sonst schönes Exempl.

Diebstahl 607  
 shelve under 3035 A I.



3025 3366 73023531 1048 1581 2271 3005  
Platina. Scitire et canabis ipsa  
 ut limbum, decoratissima post indeciman  
 fines ad infim praestat. Ex semine ca  
 nabis triso ribueia quiddam finit, qia  
 et stamacho et capiti, ac deniq membris  
 omnibz plurimum ualent. Aitit canabin  
 (2) effa canabina. Cbarium canabin  
 Idem de Samburo. Flores eius in cibarep  
 sumptis, hepatis splenctis, cardiacis  
 atq h...

V, 255. Osler 174. — Erstausgabe.

Siehe Tafel 36.

- 606 — Breviarium medicinae. Venedig, R. de Novimagio, 1479.  
 Fol. Goth. Type. 149 Bll., (ohne das erste weiße). Rubr. u. m. rot u. bue  
 gemalten Initialen. Orig.-Holzdeckelband m. blindgepresstem Lederbezug u.  
 Beschlägen. Schließen fehlen.  
 Hain\*-Cop. 14693. Brit. Mus. Cat. V, 225. Osler 174. Erstausgabe. Mit e. kolorierten Wp  
 Exlibris (barré d'or et de sable de deux pièces).
- 607 — De simplicibus medicinis opus. — Averroes. De eisdem liber. — Fos  
 De eisdem opusculum, etc. Ed. O. Brunfels. Straßburg, Ulricher Adan  
 1531. Fol. Pappband.  
 Choulant, Handb., 372. Außerordentl. seltene Sammlung v. drei Trsta  
 über Arzneien. Schönes Exemplar.
- 608 SPACHIUS, J. Gynaeciorum, s. de mulierum tum communibus, tum gravidam  
 rientium et puerperarum affectibus et morbis ll. graecor., arabum, latinor., etc.  
 quot extant, etc. Straßbg., Zetzner, 1597. Fol. Mit Druckerm. u. Texho  
 schnitten. Lederband der Zeit.  
 Hirsch V. 474. Erste Ausgabe e. sehr reichhaltigen Sammlung der wichtigsten vake  
 Schriften von 19 berühmten Autoren.
- 609 TABERNAEMONTANUS, J. TH. New Kreuterbuch... darinn auff 3000 (wie  
 beschrieben werden. 2 Bde. Frkft. 1588—91. Fol. M einigen 1000 Pflanze  
 abbild. in Holzschn. Pergt.  
 Pritzel 9093. Schreiber, Kräuterb., p. 51. Erste Ausgabe. Etwas fleckig.
- 610 — — Dass. 3 Tle. in 2 Bdn. Gemehret durch C. Bauhinus. Frkft. 1625. M  
 1000 Pflanzengabb. Kabbild. d. Zt. mit Ruc. Sauberes Exr

Choulant Handb. 372  
 1581 2271 3005  
 Scholre Under 3025/8



Ad Somnum non mortales imitat, quod fecit  
 quilla, quod obfusa, qd. frigida et humida est  
 et humo cinis et plerumq. intertextus, quos habet  
 ratione facillime tollit & Cimexque angustius  
 condit in aquam, eam in lectum et quo  
 uoles infundit. Vel feli & filum cum aceto  
 mixtum superfundit, nulli ualeat. Fuga  
 bitur item ex cubiculo pulx, si aquam ex  
 rorandum rorunguaz fundas.

18

18 Meliorior hoc est. Meliorior dormire, nisi se  
 dando tantisper diu fumi aliquantulum  
 uaporem insalubre est & periculosum. Caput  
 in debilitat, distillantes digerere, pituita  
 crescit, calor uteris, cor in pituita, sagae  
 amnino, desidropia, <sup>uenter</sup> maridum ac languidum  
 corpus efficitur.

BUTYRUM

Platina. Butyrum solidum est & humidum, cor  
 pora admodum interit et obefat. Eius tamen  
 frequenti usu et stomachus laeditur et fomes  
 tum phlegmaticae aegritudini praeparatur.

Quidam dicit Exertari per corporis  
 ad sanitatem plus prodesse p me  
 dium & metisium  
 Quid Castorei Caniculis

Dulchastem


601

shelre under

3035

A I.







3365  
4364 (4)  
**Ein nützliches Regi-**  
**ment / sampt dem bericht der Erkney /**  
**wider etliche krankheit der Brust / vnd be-**  
**sonderlich wider den Husten / Brust seu-**  
**che / vnd bschwerung des athems.**

**Darben ein kurzer Bericht / wider die beschwe-**  
**rung des Haupts / vnd Schwindel.**

**Auch ein sehr tröstlich regimentlin / wider die ver-**  
**drießliche vnd vngehorsame krankheit des Pöde-**  
**grams / die man den Ziprian nennet / Durch**  
**Magistrum Magnum Hundt / von**  
**Magdeburgt / auß gangenn.**

**Mehr ein nützliches Regiment / wider**  
**die welckenffig vnd vn sauber krank-**  
**heite / der Franzosen.**

**Gedruckt zu Franckfürdt am Mayn /**  
**Durch Herman Bälfferichen / inn der**  
**Schmiedgassen / zum Drüg.**

**M. D. XLIX.**

Handwritten text, likely a title or header, mostly illegible due to fading.

Handwritten text, possibly a date or a specific reference.

Handwritten text, possibly a list or a series of entries.

Handwritten text, possibly a signature or a concluding statement.



Handwritten text, possibly a date or a reference, located below the library stamp.

en Co  
jnerli  
der n  
und  
und a  
falle  
und d  
nicht  
bigst  
orden  
ist di  
der a  
der L  
not a  
en D  
wie  
Sch  
tein g  
der se  
am



# Ein gemeiner Bericht der Brust frantzheit.

**D**ieweil die Brust des Menschlichen  
en Cörpers der mittel leib ist/ inn zwey  
theil getheilt / vmb treflicher vrsach  
vnd nutz willen / von der natur des men  
schen also verordnet / vnd von vielen ges  
liedern zusammen gesetzt / in sich schleußt  
das fürnemlichste glied im menschlich  
en Cörper / Nemlich das hertz / Welchs ist ein brun aller  
jnerlichen hitz im Cörper / gibet seinen einfluß in alle glie  
der / welche gleich der Brust inn stetter bewegnus ist /  
vnd gleich wie sich der Brust bewegnus inn zu nemen  
vnd abnemende bewegt / also auch das hertz / denn es ist  
fast ein vrsach / auff die größe vnd stercke des athems  
vnd des puls / zu reden / So hat nun die Natur / welche  
nichts vergebens wircket / dem hertzen / dieweils das hi  
zigste glied ist / vnd in steter bewegnis / erquickung ver  
ordnet durch die Lung / als durch einen windfocher / so  
ist die Lung nicht allein ein windfocher des hertzen / son  
der auch ein küßen / denn das hertz leit auff einem blat  
der Lungen / als auff einem weichen schwam / Also dies  
nen alle glieder die die brunst in sich halten / dem hertze  
en / Wiewol die brust nit der fürnemsten glieder eins ist  
wie die alten philosophi wolten / So ist sie doch als ein  
Schilt dem hertzen von Natur verordnet / Denn es ist  
kein gelied im Cörper also munirt / vor außwendige wis  
der fell / als das hertz / Wiewol das Gehirn sehr mit  
einem festen Hirnschedel bewaret / vnd mit einer dicken

schwarten als ein filz vorsehn/ist solcher umb kelte halben verordnet/Dieweil das gehirn kalt vnd feucht ist/hats dienatur also befestigt/Tun aber die Brust vmb des hertzens willen von natur also fest geschaffen ist/so gibt vns die Brust erkenntnis vber das hertz also/wo ein mensch ein hohe breite brust hat/vnd vollhârig/mit einem gengen athem/zeiget ein hizig hertz an/also nachfolgend ist der ganz leib hizig/vnd der mensch ist heftiger schneller vbung/Auch dirstig vnnd fast Tyrannisch/Dergleichen ein bloße kleine brust ist/wie der mÿsche/wehmütig/forchtsam on künheit/vnd treg zur vbung/Solche dem studieren nach zu folgen bequemer/denn sie mögen viel dulden/welchs den zu eim lerhafftegen menschen gehört/das er dulde vnd leide. Man soll auch durch die brust verstehen/alle zugehörige glieder/die jr helffen bewegnus machen/vnd wiewol die Brust natürliche vnd willige bewegnus in sich hat/vnnd außnoturfft/zu enthaltung des lebens jr bewegnus nötig/ist sunst mehr achtung auff die brust zu geben/den auff ein ander glied im Cörper des menschen.

Wiewol man den Bauch nit zu erzneien gewenen soll/sonderlich inn der jugent/den einem gesunden Cörper ist erzney nit gut/So ist doch von nöten zu wissen/eine ordnung des lebens/durch welche vormittels Götlicher hilff/einer mag gesund bleiben/bis zum ziel/das Gott einem jeglichen menschen hat vorsehn/Den es ist künstreicher/einen menschen gesund zu erhalten/den einen francken gesundt zu machen/Wiewol zur jezigen zeit vnder tausent nit einer funden wirdt/der eins rechten alters stirbt/Möcht aber einer fragen/Warumb erlangen denn so wenig leut jr ziel nit durch ein zimlich alter/wie bey vnsern vorfaren gewesen ist/auch vor etlichen



lichen hundert jaren? Sagen die natürlichen Meister/  
 das die natur des menschen sich schwecht / wo die wize  
 der vernunft steigt / Diweil die Alten einfeltig gewes  
 sen / solche schwinde witzigkeit nit bey in gehabt / Welch  
 es auß den Geschichten wißlich ist / als man heut es tag  
 ges sagt / schlecht vnd gerecht / wert lang / haben sie ein  
 dawrige natur gehabt / vnd also eins langen alters für  
 bas dem jezigen alter gehabt / Nun aber zu vnseren ges  
 zeiten die wize / vnd alle künste am höchsten stehn in als  
 lem / vnd alle handel nit höher steigen können den zu dem  
 ende / welches ist das Gelt / so ist nur dis Sprichwort /  
 Gelt ist die losung / vmb welchs zu erlangen alle hantie  
 rung stehen / So wird durch solche embsige wize / da eis  
 ner vber den andern sein will / die Natur geschwächt /  
 auff das sie für embsigkeit des gemüts nicht jr alter er  
 langen mügen / Wiewol beyspiel verdrießlich sein / so ist  
 doch wißlich / das man viel lente findet / die sich eins vn  
 glücks oder hoher handtierung nit annemen / vnd so in  
 etwas widerfeltigs zu kompt / schlagen sie es inn einen  
 windt / vnd geben sich zu frieden / dardurch sie denn fast  
 alt werden / Also ist embsige wize die natur vnd natür  
 lichen krefft im menschen zu verkürzen / wie man denn  
 sieht leut / die eins tieff sinnigen verstands / wenn man jr  
 am besten gebrauchen will / vnd am nötigsten darff / so  
 sterben sie auch / eh sie zum alter komen / Als denn die As  
 tronomi solchs dem lauf vnd Revolution des Himels  
 zu eigen / denn dis ist jr beschlus / Je höher alle witz vnd  
 kunst zunimpt / Je sehrer die Natur abnimpt / Die an  
 dern sprechen vnd sagen / Das jetzt zur zeit wenig leute  
 ein betagt alter vberkomen / vnd so sie es erlangen / so ist  
 es nichts gegen dem alter vor etlichen jarn / da hundert  
 jar ein schlecht alter war / aber jetzt ist es fast ein wunder

2 iiij worden



worden/spricht Galenus/das solchs komme/das die al-  
ten vor vns lenger gelebt haben/ist diese vrsach/ das sie  
messig in allen dingen gelebt/sind mit einer speise vnn-  
dem getranck zu frieden gewesen/ so haben sie derma-  
ßen wenig krankheit gehabt/denn viel krank sein/brin-  
get ein zeitlich alter/So bald aber der vberflus manch-  
erley speiß vnd getranck hat vberhand genomen/vnn-  
solche mehr gepflegt denn der arbeit/so sind auch vnze-  
liche krankheiten erwachsen/vnd teglich also/das des  
Propheten wort war ist/Das mehr menschen vmb kos-  
nen/durch vberflüssig vnordenlich leben/deñ durch  
das Schwerdt/denn wie wir vns regieren/so leben wir/  
vnd wie wir leben/so sterben wir/es ist nu mit vns auß/  
deñ ein gewonheit ist nicht wol ab zu thun on schaden/  
Setten wirs in der jugent anders gehalten/so gieng es  
vns anders im alter/Derwegen lieben Herrn vnd Bräu-  
der/wöllet jr ein betagt vnd bequem alter erlangen/so  
habt acht auff ewer jugent/Denn das alter weist auß  
der jugent vbung/Derwegen sollen alle auff ire zeit ach-  
tung haben/die vber xiiij. jar seind/biß das sie das xxv.  
erlangen/dieselben zur arbeit halten/vnd nach tugent  
vnd ehr streben/mit der schwelgerey/vnd seufftere/vnd  
spielerey/darnach deñ die vnzucht auß kompt/vnd zu-  
neigung zu allem vbel/jr Väter dencket was jr für rech-  
enschafft muß geben/so jr erweren Kindlin vnd gesinde  
vbel fürsteht/Wo nit forcht ist/da ist auch kein zucht/  
noch wig/noch verstand/Es ist nicht außgericht/das  
du sprichst/Bergvolck ist solchs lebens gewont/sie wa-  
gen das leben darnach/soll man nicht derhalben guter  
ding sein/Erquickung muß sein/sonderlich leuten/die  
arbeiten/jedoch alles mit bescheidenheit/das du dich as-  
bor mit böser gewonheit/da du ergernis gibst/wilt ent-  
schül-



schuldigen/wird nicht helfen/merck gewonheit ist solo  
 lich ding/das gleich ist als ein angeborn ding/das einer  
 nicht meiden kan/vnd dieweil ers also gewont ist/acht  
 ers auß gewonheit nicht vor böß/vnd fert also mit zum  
 Teuffel/mit seiner bösen gewonheit/die er auß dem das  
 ers gewont ist/vnd ist an jr selber streflich vnd sündlich/  
 wie wir den fast alle sünde auß gewonheit nicht sünde  
 achten/Es wird sich aber alles im außkeren finden/wie  
 S. Paulus zun Römern spricht/Wiewol eine böse ge  
 wonheit/vnordiges lebens man nicht schnell abthun  
 kan/on schaden/sol aber einer trachten von tag zu tag/  
 das er jm gmächlich abbreche/on nachtheil seiner krefft  
 te/also lang/bis er in ein gut messig Regiment kompt/  
 als denn wirdt dir das vorig leben/so feind sein/als gif  
 te/vnd wirft also denn die kuchen abhawen/vnd dir ein  
 gericht oder zwey auffss meiste/gnügen lassen/auch an  
 zimlichem getrenck/Denn diesen bericht nemen alle die  
 zu herten/die allein dem bauch dienen/vnd in mancher  
 ley essen vnd trincken gefallen haben/vnd sich beladen/  
 Den arbeitern ist kein ziel gesetzt/denn arbeit helt den  
 menschen gesund/die denn nach schwerheit ihrer arbeit  
 erquickung haben müssen/dorffen auch der halben we  
 nig gebrauch der erzney/aber Körper die sich nit vben/  
 vnd gebrauchen guter speis on allen abbruch/bis sie sat  
 sind/solche muß man mit Aderlassen vnnnd purgation  
 Preseruiren.Aber Körper/die einer bequemen Complexi  
 on/vnd Constitution/vnd wiewol sie gut darolich spei  
 se gebrauchen/aber in rechter maß vnnnd mit abbruch/  
 vnd sind in teglicher vbung/den ist nit not/das sie sich  
 purgiern/oder zur Aderlassen/Denn der vberfluß der  
 bey in wird/geht mit teglicher vbung weg/wiewol eeli  
 che Körper von natur jrer geburt/mit schwachheit bes  
 laden

laden sind / Auch etlich erblich Franchheit an in haben/  
Welche sich stets in guter acht haben sollen / Wie denn  
das nachfolgend Regiment der Zipperanische / in sich  
halten wird. Auch seind etliche Körper / die gewonlich  
auff eine zeit in schwachheit fallen / Als etliche des Som  
mers bekomen Fieber / oder des Winters mit flüssen des  
Haupts beladen werden / dieselbigen sollen sich im ende  
des Lezens vnd Mayen / auch im ende des Herbsts rei  
nigen lassen / durch aderlassen oder purgiern fürkomē /  
auff das / so die zeit kompt / sie nicht in Franchheit falln /  
wie vormals / Wiewol einem jeglichen Menschen / wol  
von nöten ist / das er sich des jars ein mal im Mayen rei  
nige / vom vberfluß / mit aderlassen / oder mit purgiern /  
vnd obs nicht von nöten ist allen / gibes doch diese sich  
erheit / so mit der zeit / ihm eine schwinde Franchheit für  
fiel / das man bey jm etwas müß thū / so mag man nach  
gelegenheit sonst sicher mit jm vmbgehen / Auch ist der  
Franch bey jm etwas zuthun / sunst williger zu leiden.  
So ist zu mercken / das man am meisten im Mayen das  
geblüt reiniget / durch aderlassen / Denn das gblüt heit  
sich eben wie die feuchtigkeit der erden / so bald der tag  
wider zu nimpt / vnd die Sonne mit irer wärme das erd  
reich öffnet / so gibe sich die feuchtigkeit der Erden inn  
alle gewächse / Also / dieweil ein mensche des Winters  
mit mehr feuchtigkeit wirdt beladen / vmb stercke der  
natürlichen hitze wegen / vnnnd mehr narung zu ihn ne  
men / vnd mehr schlaffs / wo nun der tag zunimpt / mit  
werme der Sonnen / tritt das geblüt / das im tiefsten der  
glieder ist im Winter gelegen / heraus in das geäder / vñ  
breit sich auß / vnd wolte gern bläen / als denn leß man  
auß der Ader / das zu minnerung wegen / Auch zu reinis  
gung vbriger feuchtigkeit / die im gblüt ist / denn aders  
lassen



lassen / ist eine gemeine reinigung aller feuchtigkeit im  
 gangen Körper/also hat man ein Regel / *In fere quantitate  
 flebothomia minuere, & in Autumno qualitate corrigere.* Das ist ein  
 gemeine Regel/das man im Lenz die mening des ges  
 blüts durch Aderlassen mindere / vnnnd im Herbst / die  
 scherpff dempffe mit Erzneien/den die meisten kranck  
 heit kommen von der vbrigen feuchtigkeit im Körper/  
 derwegen ist reinigung vonnöten / auffss wenigst ein  
 mal/vnd als den läßt man am meisten die Median/den  
 sie reiniget von vnden vnd oben/Vnd wie du nu das ge  
 blüt sibst/kanst du dich sonst baß reinigen / den es ist ge  
 meinlich wesseriger denn ander zeit/ So ist am gemeins  
 sten/ das man den wässerigen schleim vom geblüt reini  
 get/wie den ein verstendiger Arzt gut wissen hat/aber  
 ich will dich dennoch eins lernen/das ein gemeiner man  
 sich selber bereiten soll/in der Fasten / wenn dirs ebnet/  
 das du den schleim den du den Winter vber gesammelt  
 hast/von dir bringest / Nim einen leffel voll gutes So  
 nigs/ thus in ein hasen / geuß darauß zwei Kannen rein  
 Wasser/laß sieden/vnd wenn es seud / so macht es einen  
 gest / den thu on vnderlaß ab / biß kein gest darauß ist/  
 oder wirdt / den leg darzu Süßholz klein geschnitten/  
 ein lot/ein gute hand voll Rosinlein / groß odder klein/  
 auß den grossen soll man die Körner thun/ vnnnd ein we  
 nig Salben bletter/ vnd ein wenig Kraußmünz/vnnnd  
 Anisij. quintle/ein wenig gestoßen/das las auf sieden/  
 bis drey finger einkocht/ so thus herab/wirff ein Rosen  
 blat oder zehen hinein/dürre/ las kühl werden/dauon sei  
 he es durch ein thuch/als du auff ein mal wollest trinck  
 en/nemlich ein halbs knople voll/dauon trinck vier tag  
 alle morgen frü/warm/fast darauß fünff stund / denn  
 las dir/so du dich baß wilt reinigen/so mach diese nach/

**B** geschries

geschriebener Pillen machen/die nim alle auff den fünff-  
ten tag frů/ schling sie hinein wie du kanst/ so du sie nit  
wol schlingen kanst/ so strew zucker drüber/ oder ein lef-  
fel bier/ oder gebraten äpfel/ dis sind die Pillen/ die las-  
in der Apotecken zu richten/ Recipe pillarum aggrega-  
masticina. añ. scrup. j. Pestilentiarum scrup. v. diagry-  
dij gr. j. fiant pillen ix. cum aqua absinthij/ diese Pillen  
soltu frů nemen/ darauß soltu fasten sechs stunde/ vnd  
dich die sechs stunde in kein arbeit geben/ auch nit spa-  
ziren gehn/ den̄ bleib daheim/ wenn die sechs stund auß  
sind/ vnd haben dir vber vier stül nicht gemacht/ so laß  
dir ein wenig warm Bier wärmen/ darein thu butter/  
las zergehn/ vnd trinck das warm aus/ darnach magst  
du essen/ aber so sie dir vber vier stül machen/ so nim ein  
lauter Rintfleisch brühe/ oder lauter Erbes brühe/ ein  
leffel oder sechs trinck eh das du issest/ so dus vermagst  
so las dir diesen tranck in der Apotecken zu richten/ mit  
den Pillen.

R. liquiri. vn. v. passularum enuclia. m. j. pollicrici  
ca. ve. añ. m. j. mente crispe. p. j. Se anisi feni. añ. iij. j. co-  
quantur in lb. ij. aque ad medietatis consumptionem  
colletur cola. addatur mellis ros. col. vn. ij. Si de stica-  
sim vn. j. mis. Sollichen tranck solt du auff vier trünck  
heraus trincken/ frühe warm/ inn vier tagen/ auff den  
fünfften tag nim die Pillen/ die vor geschrieben stehen/  
oder disen tranck/ das trinck warm aus/ vnd faste da-  
rauff fünff stund/ halt dich darauß auch/ wie mit den  
Pillen angezeigt ist. R. Elec. de Sebesten iij. iij. Elec.  
de dactil iij. ij. diaturbit. scrup. v. dissoluantur in decoc-  
tione passularum et parum. ani. fiat haustus ad vn. iij.  
vel quatuor.

Wiewol in gemein gebrauch ist/ das man im May  
en das



en das geblüt reiniget/ vnd ist sehr gut so einer will sich  
er sein das ganz jar vber vor krätze vnd geschwär/ vnd  
andere vnflat der haut/ auch ist den menschen gut/ die  
sonst vorhin vnreinigkeit im geblüt gehabt haben/ als  
Franzosen/ das sie das geblüt im Mayen reinigen.

So soll man dis mercken/ dieweil mans den gemein  
lich thut mit wilder Rauten/ welche von eigenschafft  
das geblüt reiniget/ vor allen/ aber man soll sie nicht ge  
brauchen/ es sey den der Körper ein wenig linde gewor  
den/ als den thut sie was sie thun soll/ also soll man vor  
hin ein mal oder zwier vor dem abendessen/ ein lot Cas  
sie fistel essen/ oder pestilenz Pillen/ in acht tagen zwier  
genommen ein odder fünfzehen/ darnach mach dir nach  
gewonheit die wilde Rauten zurincken. Aber thu ihm  
so/ Nim ein kandel Zigen schotten/ thu darein ein gute  
handuoll wilde Rauten/ ein wenig zu stoßen/ ein wenig  
wippel von jungem Hopffen/ vnd ein wenig Solunder  
wippel/ vnd ein wenig Wirandt/ solchs las inn dem Zis  
gen schotten sieden/ darnach seihs durch ein thuch/ dar  
von trinck all morgen ein guten trunck warm/ zum leg  
ten trunck nim ein pestilenz Pillen oder ix. oder xv. dar  
nach vber zwen oder drey tag gehe zu bad/ vnd nem ein  
wenig Tyriack frū morgens im leffel/ mit wild Rauten  
wasser/ odder so du arbeiten wilt/ so reiniget sich das  
durch den schweis/ was zwischen haut vnnnd fleisch ist/  
Solches trincklin mit dem Tyriack mag man in vierze  
hen tagen/ ein mal oder zwir/ nach gefallen thun/ Aber  
ich mach den tranck also/ Nim ein gut theil wilde Rau  
ten/ vnd presse den Saft durch eine presse heraus/ oder  
durch ein harte thuch/ darnach setze den Saft im hafen  
zum feur/ laß in auff wallen/ darnach soltu in filtriren  
also/ lege darein ein stricklin vonn einem salbend/ netze

den/vnd laß in ein ander gefäß abtropffen/was im has  
fen bleibt/das thu hinweg/aber was in den andern has  
fen ist gelauffen/das thu in den Zigen schotten/vnd las  
ein wenig sieden/dauon trinck allen morgen ein trunck/  
dieweils wert.

Auch wo die armut die keinen Zigen schotten habē  
können/noch kauffen/die nemen schotte von Rühmilch  
vnd lassens darinnen sieden/ein handuoll oder zwei wil  
de Rauten/ein halbe handt voll Wermut/daruon trin  
cken sie allen morgen einen trunck warm/ein tag oder  
fünff.

Auch ist gut/das man des safftes von wilder Raus  
ten mit Buttermilch auff die zeit nüchtern ein trunck  
trincke. Auch sol man in Buttermilch ein Pestilenz pil  
len oder x.iiij. hinein schlingen/welchs den jungen leu  
ten auch gut ist/das man in ein leffel buttermilch ein  
Pestilenz pillen oder drey/oder fünff ingebe/das reinis  
get auch das geblüt/vnd wert/das sie kein faulheit im  
geblüt bekommen/was man im Husten oder Brustkranck  
heiten einnimpt/soll nicht kalt sein/auch soll mans im  
munde halten/vnd gmälich lassen hinein fließen/vnnd  
nit schlingen.

Von dem Husten ein gemein Regel/sintemal Kranck  
heit der Brust viel sind/so beweisen sie sich am meisten  
mit husten. Den durch den Husten reinigt sich die brust  
welchem die natur wird entledigung halb der bschwer  
nus/also/das der Husten anzeigung gibt/ein vberflus  
vnd bschwerung der Lungen/vnd auß dem/das der hu  
sten rausz bringt/nimpt man erkentnis vber die Kranck  
heit/vnd mangel der in der brust ist/gleich als auß dem  
schweren athem.

So ist nu zweierley husten/als dörre vnnd truckne  
ver



verdrießlich husten / die hart engsten vnd zwingen / welche mit röte vnd heis vnder den augen ist. Den soll man also helffen / So es Kinder sind / soll man nemen eingemachte Veieln / dieselbigen zu treiben in einer brüh von kleinen Rosinlein gesotten / solche druck durch ein tüchlin / von dieser brüh flös den Kindern offemals ein / bis sich der husten ergröbt / so sollen die Ammen oder Mütter / die die Kinder stillen / den Kindern fein mit bescheidenheit mit dem finger den schleim aus dem halslin heraus heben / wenn sie husten / anders sie schlingens wider hinein / darumb ist gut acht darauß zu geben / daß es kommen viel Kinder damit vmb / auch die solch Kinder stillen / sollen sich vor kaltem getrenck / Wein / Gewürz / vñ gesaltner speis hüten / Aber zu zeiten sollen sie essen ein Mandel supen mit weissem mahn ab geriben / dem kindlein soll man das Brüstlein warm halten / vnd mit mandel öl ein wenig / wenn mans gebadet hat / das Brüstlein schmiren / darnach mit einem warmen tuch lind abwischen / Auch soll man ihm zu zeiten ein wenig Veielsaffe hinein flüssen. Auch ist sehr gut / das man im ein tröpfflin desselben süßen Mandel öls auff die zung gebe. Ein arme Fraw aber / die solchs kindlin mit solchen husten hat / soll ihr ein guten Habergrütz siedern / mit ein wenig weissem mahn / die suppe dauon frühe gegessen / ein tag oder etlichen / wirdt ob Gott will / dem husten hülfflich sein.

So solcher scharpffer vnd truckner hust ein betagten ankumpt was alters er sey / der neme ein Gerstenwasfer / welchs du also solt machen.

Nim xv. Gerstenkörner erlesen / thu sie in ein topff / geus darauß ein kanne oder zwo lauter rein wasser / las sie siedern / bis das die Gerst keinet / so hastu ein Gerstenwasser.

wasser/danon thu weiß du wilt/ein trünclein laulich oß  
der früh warm/Auch magstu mit dem Gersten wasser  
lassen sieden ein handuol klein Rosinlein/las mit einander  
der wol sieden/vnd wenns wol gesotten hat/so nims herab/  
vnd wirff ein wenig durre Veieln drunder/vnd ein  
lot oder zwey zucker Candit/ von dem wasser nim offtes  
mals in den mund laulich/las in den hals gemacht fließen/  
schlings nit bald hinein.

Oder laß dir ein gute grüßsup machen/wol durch  
geschlagen/nim warm zu dir ein kßpflin voll nicht gsalzen/  
thu es in zeit/die scherpf des husten wirdt sich lindern.  
Auch magstu des abents wenn du wilt schlaffen  
gehn/nutzen von ein gemachten Veieln/auch ein leffel  
voll Veielsafft/ist auch gut zu nützen/vnd so der huste  
nicht wil nach lassen/so nim Bonen/weich sie in wasser  
vnd koch sie wol/das sich die hülßen ablassen/der selben  
magstu ein oder etlich essen.

Auch so es die zeit darnach ist/das du grüns kraut  
haben magst/das salzen nit/machs mit Mayen butter/  
vnd isß davon/du magsts auch wol mit ein süßes mandelöl  
essen/auch ist es gut desselbigen öls von süßes mandeln/  
ein tröpflein oder zwey auff die zungen genomen/  
vnd hinein lassen seihen.

Auch soltu der kleinen kßchlein auß der Apotecken  
holen lassen/die man nennet/Pillen pichie/welcher du  
stets eins im munde magst behalten/vnnd lassen zugehen.

Auch nim abents vnd morgens von diesem Syrup  
ein wenig in munde/wenn du wilt schlaffen gehn/auch  
des nachts.

R. Julp. violarum. S. vn. ij. Si. de pap. vn. ß. Auch  
magstu solchen Syrup ein leffel voll/vnd der ein wenig  
Gersten



Gersten wasser thun/vnd des morgents lawlicht trincken.

Darneben soltu kein Wein trincken/nichts sawers noch gewürzts/oder gesaltzens essen/vnd die brust tag vnd nacht warm halten/vnd dich vor scharpfer kalter lufft enthalten/Auch keinen senff/noch speise mit Zwiebeln/nichts hitziges nützen/allein man mag wol kleine Rosinlein vor gelesen/vnd auß ein frischen wasser waschen/darnach etlich im mund zu käwen so oft du wilt/ist dir nit schedlich/so bald als sich der schleim ergrobt/das du den mit dem husten begreiffst/vnd von dir wirffst/so wird es mit dir balde besser werden/vnnd so der husten feucht ist/vnd ist das maul wesserig/vnnd doch nichts grobs außwirffst/So soltu offemals wenn du in einer stuben bist/den athem zu dir ziehen vnd halten/so lang du kanst/den solchs hilfft zu der dawung des husten/darnach mach dir ein tranck. Nim süßholz ij. lot/viij. Feigen/Stemwurzel ein halb lot/Salbey bletter/Isope ein wenig/ein handuoll Rosinlein/Anis j. quint. solchs ein wenig in ein mörser vnder einäder zustossen/das send in einer kandel wassers/biß zur helfft/thu dar zu x. Gerstenkörner/vnd wenns halb ist eingesotten/so decks zu/vnd laß kalt werden vnd seihs durch ein tuch/nim dauon abends vnd morgens/einen warmen mund voll oder drey/mach einander.

Auch ist gut zu nützen offemals von einem Honig wasser/welchs du also solt machen/nim einen leffel gutes Honigs/thu es in einen hafen/geuß darauff ij. kandel wassers/laß das mit einander sieden/vnd stehe dar bey/vnnd scheume es/biß es keinen schaum wirfft/darnach wirffe ein wenig Isope hinein/vnd thu es vom feuer/Solch wasser magst du nützen/wenn du wilt/vnnd  
sonders

sonderlich des morgens vnd abents / wenn du wilt schlafen gehen / allein des Winters ist solches zu nützen / des Sommers aber nit.

AB

Auch ist gut / das du nimmst ein gut hand voll weisse Rüben / die laß zu schneiden oder zu spalten / Laß sie in einem reinen wasser sieden / wenn sie wol gesotten haben / so seihe die brüh heraber / die thu wider in einen hasfen / thu darein ij. lot Zucker Candit / ein halb lot Allantwurzel / v. Feigen / solchs las wider sieden / darnach thu es herab deck es zu / setz in ein gemach / vnd geus dauon in ein klein töpflein / setz auff den ofen das es warm vnd laulich stehe / wenn du wilt ausgehen / so nim ein mund voll / las so gemach hinab fließen / wird dir sehr hilfflich sein.

So du aber aus der Apotecken dir die Arzney wilt lassen zurichten / so las dir diesen tranck machen.

R. liquiri. ras et munde. vn. j. passula m. j. ficum no. r. Iuiubarū sebesten añ no. vij. Isopi m. sz. Cap. ve. m. j. Se. anisi. feni. añ. xxxv. coquantur in aqua q. s. vsqz ad quartam partem colature remaneat lb. j. cui adde Sy. deliqui. vn. j. Isopi vn. s. mis. Von solchem tranck soltu abents vnd morgens trincken sechs leffel voll / dieweiler weret / früh warm / auff den abent wenn du dich wilt legen / lawlich.

Vnd so der husten nicht nach wil lassen / vnd das du auswirffst / noch wässerig ist / so las dir dis nach folgen de inn der Apotecken machen. R. Loch sani. de pino añ. vn. j. Diatraganti vn. sz. Pinearum incisarum iij. sz. fiat lot. Von solcher Electuarien / nim offtemals vnder die zung / oder las dir diese kñchlein zurichten.

R. Farine amili orde añ. scrup. ij. traganti fri. iij. v. penidiarum xxxj. Zucritaberzit dissoluti in aqua Cup. veneris



veneris q. s. fiat confectio in rotulis. Dieser Kuchlin las  
offemals im mund zugehen / werden den husten helfen  
entnemen / vnd die materia zu außwerffen geschickt ma  
chen. Auch ist sehr gut Winters vnd Somers in solch  
em husten / des abends wenn einer will schlaffen gehen /  
das er nach dem tisch in vier stunden nit getruncken ha  
be / vnd neme ein köpflein voll Gersten wassers / thu ein  
halben leffel vol zucker darin / las es auffeim Ofen law  
lich werden / vnd trinck das / vnd leg dich so schlaffen.  
Thu es ein mal oder etlich.

Er wird grosse vnübersprechliche hilff vnd löfung  
am husten erlangen / auch an aller vngschickligkeit der  
brust hilff befinden / das du es nit glaubt hetst. Du solt  
dich hüten vor kaltem trincken / vnd kalter luffte / auch  
die füß vnd brust warm halten / nicht sawrs noch gesal  
zens / noch hart gewürzts essen / auch Merretich / senff  
sawrkraut nit essen / in diesem husten ist dir gut / das du  
durst leidest / viel wachest / wenig schlaffest / auch dich  
nicht vber essest / Also wirst du der fläße / vnd des husten  
loß.

**Wider den schweren athem / der am  
bursigkeit / vnd angst der Brust.**

**D**iese krankheit / wiewol sie ein kräfftheit des als  
ters ist / so mag sie wol die jugendt auch begreiff  
en / vnd sich damit bis ins alter tragen / vnd ent  
lichen daran nachtheil leiden / Denn es ist ein langwerig  
krankheit / vnd hat doch gleichformige / nach der zeit /  
anstoffe / als der krampff / vnd schwere gebrechen / Also  
geredt / es ist eine krankheit der Lungen mit / welcher  
das an jm hat / ist der athem zuhalten stet nötig / gleich  
als

als dem der da sehr eilt in einer arbeit / vnd ist im gleich / wie im der athem entgehn wolt / vnd solches befindet man am meisten / wenn einr am rücken leit / wird im der athem sonst schwächer zu holen / vnd so er ein wenig soll in die höhe gehen / so befindet er / wie im etwas auff der brust lege / das da weret / das die menige der lufft nit genugsam zum athem gezogen wirdt / muß er derhalben offtziehen / welchs kompt / das in den örtern der Lungen inn der brust viel schleimige feuchtigkeitsich erhelt / welche weret den freien eingang der lufft / durch die rörlin der Lungen / darumb wirdt der athem so schwer zu ziehen / das die rörlin / durch welche die lufft in die lung geht / von dem schleim verstopffet werden / vnd wenn einner also schwerlich zengt / dunckt in gleich wies ein hall von sich gebe / vnd den wirds schwerer / wenn sie den athē von sich geben sollen / den das sie in an sich zehen / derhalben lassen sie den athem mit ein hall / vnd erlichen wird der athem schwerer zu ziehen / den zu lassen / obs der ergsste ist / wer das beides an im hat.

Auch sol einer mercken / so einer stets den husten habe / vnd die lufft so begirig zu im ziehe / wie er gelauffen hette / vnd so er auff den rüß leit / ist im am athem nicht wol / vnd so baldt er steht oder sitzt / ist im besser / so einer solchs bey im erstlich befindet / so hat erschön ein stück danon / welchs wiewol schwer wirt von zeit zu zeit / vnd erstlich ist ire beschwerligkeit nicht stets / wiewol einer stets am athem nachtheil fület / Aber eigentschafft der brust seuche / Darneben hat diese krankheit die eigentschafft / das sie einem in zweien jaren ein mal an kompt / vnd gemeinlich des nachts / so sie kompt wirt dem Kranken so bang / wie im etwas auff der brust leg / vnd wolt in ersticken / kan nicht ligen / musz sitzen / auff das er den athem



athem haben mag/ solch angst weret oft ein halb stund  
 de/ oft ein stund/ darnach gehets gemach hinweg/ vnd  
 legt sich wider auff jrn ort/ vnd je lenger sich ein mensch  
 damit tregt/ je mer sie kompt/ als im jar ein mal/ im hal  
 ben jar/ im viertheil jar/ in vier wochen/ in acht tagen in  
 vier tagen/ darnach alle nacht/ darnach stets/ so kan eis  
 ner an keinem ort bleiben/ mus stets stehn/ vnd den hal  
 se auff richten/ vnd die lufft ziehen/ Welchs ist eine heff  
 tige pein/ ist gleich als man immer härter anzöhe/ vnd  
 wolte in erwürgen/ vnd wenn dich diese krankheit erst  
 lich des Jars ein mal erinnert/ so verachts nicht/ vnd so  
 du nicht schleunig rath haben magst/ so laß du die bei  
 nereiben/ vnd darnach an den waden fest binden/ so fest  
 das du schreien must/ vnd so du allda durch das bandt  
 wehtagen befindest/ als denn verzeuht vnd theilet sich  
 die Materien/ die dir den Paroxysmum auff der Brust  
 macht/ vnd sitze im beth auffgericht still/ vnd rüre dich  
 nicht viel/ bis sich solchs weg gezogen hat/ darnach leg  
 dich auff eine seiten/ vnd schlaff vnd schwiz/ bis zum ta  
 ge/ darnach gebrauch rathes/ den solche krankheit die  
 scherzet nit/ vnd je lenger vnd weniger du darzu thust/  
 je mehr vnnd ehe sie wider kompt/ du wirst jr auch nit  
 kurz mügen abbrechen/ allein mit der zeit/ vnnd gutem  
 Regiment/ also/ das durch ein gut ordnung des lebens/  
 sampt der zu thuung der Erzney/ mag geholffen we/r  
 den/ wiewol das diese krankheit am meisten die Leute/  
 die auff Bergwerck sich enthalten/ als Schmelzer/ Al  
 chimisten/ vnnd die inn gruben im bösen wetter arbeite  
 ten/ vnd mit Erz in Zütten in Schwefel/ Bley/ Queck  
 silber/ rauch vmbgehen/ solchen dampff/ vnd stanc in  
 sich ziehen/ welcher die lung füllt/ vñ solch bschwerung  
 zufügt/ Das sie vor andern zu solcher brustkrankheit/

vnd beschwerung des athems zuneigung haben / Auch die in tieffen thälern ihre bewonung haben / Da sich die lufft nicht wol wechseln kan. Darumb ist der erste rath so sich jemandts an dem athem beschwert befindet / vnd nach bequemißkeit zur eile nicht genugsam athem ziehen kan / den er muß ruhe darzu nemen / der begebe sich an andere örter / da die lufft nicht zu scharpf / vnd also kalt vnd neblig ist / den solch lufft ist allen / die beschwerung am athem haben / nicht gut / auch die hantierung in Hütten an jn haben / vnd mit schmelzerey oder Alchimisterey vmb gehen / die gehens ab / so nit / so mügen sie sich in acht nemen / Auch sollen sie ihre nachtläger nit an der erden haben / vnd nicht on schuhe / vnd barhauptig gehen / auch nit in engen sonder inn der höhe / in weiten gemacht / da sich die lufft mag nach bequemeit wechseln / ligen.

Auch sollen solche leute / die solche beschwerung an jn bfinden sich nit plözlich vnd schnell bewegen / es sey mit was bewegnus der arbeit oder gehn / den ein schnell anheben des bewegens / macht / das sich solche krankheit rürt / Sonder er soll sich erstlich mit guter maß bewegen / vnd den als je sehrer / bis ers genug hat / biß er begint träge zu werden / Auch ist solchem gut das er sich mit gehen bewege / da es eben vnd sandig ist / vnd sich nicht in dem anheben vber eile / Den in solchem fall bringet eilen nachtheil / denn nach tisch ist diesen leuten vbung vnd bewegnus nicht gut / sie gebirt gemeinlich verstopffung.

Aber in einem gemach / vnd stuben / vnd sunst zum guten freund zu gehen / nach Tisch schlaffen zu vermeiden / kan nit schaden / vnd so sie gereinigt sein / oben oder vnden / so mag man sie wol mit linden warmen thüch-

ern



ern reiben/die brust/je lenger je schärpffer/biß sie errö-  
tet/solchs soll auch vor essens geschehn/so sie sich nicht  
mit gehn oder ander vbung bewegen/vnd so sie sich schō  
beweget haben/vnd haben kein mattigkeit/ists ihn zu  
treglich/so sie sich darnach lassen ein wenig reiben / vor  
dem essen/es sey abens oder morgens. Auch ist gut wenn  
man früh aufstehet/dieweil man in der stuben vmbge-  
het/das haupt mit einem warmen thuch /lind zu reibē/  
vnd darnach kemma teglich /vnd denn die stimme mit  
zuziehen des athems / gemächlich erheben / vnd immer  
gemächlich höher die stimm zuziehen/ vnnnd also den a-  
them bewegen / Denn solches ist hilfflich / das sich der  
schleim zu theilt/ vnd also mit dem husten mag herauß  
gehen.

So man baden meiden kan/ist sehr gut/vnd sonder-  
lich auff das essen zu baden ist nicht gut/Aber ab zuwa-  
schen den schweiß/mögen sie ein wenig früh baden/ Aber  
warne bad/nach gethaner reinigung/sind ihnen nicht  
schedlich/Aber im Paraxismo/soll er alles bad meiden/  
vnd im auch nichts auff die brust lassen legen noch reis-  
ben/sonder sich halten wie vor erzelt ist.

Mit dem schlaffen sollen sie sich also halten/ein ste-  
ter langer schlaff ist in nicht gut/sonder sehr schedlich/  
denn ein steter langer schlaff bringt einem gesunden be-  
schwerung/sonderlich der brust/wie viel mehr soll er be-  
schwerung bringen ein krancken/der sonst an der brust  
beschwerung hat.

Auch soll er nit bald auff das essen schlaffen gehn/  
oder legen/vnd wenn er nit am tag schliesse/wers im zu  
treglicher/So er sich aber nit enthalten kan/so schlaffe  
er ein stundt oder vier nach essens/ auff einem stul/sich  
von einer seiten auff die ander zu rürende / Mehr soll er

feinen schlaf des nachts vndernemen/ des außwerffens halben/ so er zu einem langen schlaff kompt/ lasse er sich wecken/ nach drey oder vier stunden / so ihn der huff nit wecket/ das er außwerffe/ vnnnd sich reinige/ Derhalben sollen sie drey stücke halten. Erstlich / das ihr schlaff nit lang sey / sonder vnternomen. Zum andern / nach essens nit baldt schlaffen gehn. Zum dritten/ am tag/ so viel in möglich/ nit schlaffen/ es wer denn/ wie vielen Cörpern geschicht/ so sie am tage nicht schlaffen/ so haben sie den tag keinen stul/ so aber solche gewonheit bey einem were / so ist der schlaff nach gwonheit nach zu lassen/ vnd nicht zuuerbieten/ Sie sollen aber schlaffen inn einem dunckeln gemach/ mit bedecktem haupte / Auch des nachts gut achtung geben das die außwendigen gelieder nicht kalt ligen / sonder für der kelt verwart sein/ als haupt/arm/ vnd füsse/ denn wie solche im schlaffers kalten/ bringen sie dem haupt vndbrust viel kalter flüßse/ vnnnd auch grosse beschwernus. Auch sollen sie mit dem haupt wol hoch ligen/ vnnnd wolerhaben im beth/ also gleich sitzende / vnnnd das haupt wol verwart / das jm keine kelte nicht schaden kan. Auch sollen die fenster im Gemach zu sein/ das die lufft im schlaff nit auff ihn stosse.

Mit Essen vnd Trincken/ sollen sie sich also halten/ vollheit anessen vnnnd trincken ist ihn nicht gut/ sonder im gebrauch/ mit essen vnd mit trincken / Nach der meinung vnnnd vbung ist zu ermessen / durch die stercke der natürlichen kräfte/ vnnnd leidlicheit der krankheit / also / so die stercke vor der handt ist / vnnnd kräfte/ so gibe sonst weniger speise/ vnd nicht offte / auff das die natur nicht lang vnd offte verhindert wirdt/ zuuerzerung der vnart inn der Brust/ wo aber die stercke nit ist / da muß man



man oft vnd wenig speisen / zu erquickung aller natürl  
lichen kreffte.

So ist nu das ziel vnd ordnung im essen zu halten /  
wie in der bewegnus / also das man mehlich mehr vnn  
mehr zu sich nimpt / Es ist auch zu wissen / das dieser  
kranchheit nichts schedlichers sein mag / denn das sich  
einer mit mancherley speiß vnd geranch füllet / auff ein  
mal / Denn viel die also im schlaff ersticken / denn je vö  
ler der bauch ist / je schwerer ist der athem zu holen / dar  
zu so sie auff dem rücken ligen / so wird er in noch schwe  
rer / vnd also stehn sie in gefahr / den diese kranchheit ist  
ein vberflus / schleimige feuchtigkeit inn der brust / der  
wegen will sie abbruch haben / durch abzug der speise /  
vnd erzney / vnd also den / so man schwacheit befindet /  
mag man mit der speise deßter mehr nach folgen / Auch  
sollen sie meiden alles was blehet / im leibe / als ist sawer  
kraut / Linsen / Erbes / welche kalte flegmata machen /  
feist Fisch / auch milch vnd käß sollen sie meiden / sonst  
Fisch / on Mel / mögen sie gebrauchen / sonderlich gesalz  
en hecht / auch speise die sehr feist gmacht ist schleimig /  
grob / vnd vndawlich / dienet in nicht / In summa / alles  
was da stopffet vnd vndawlich ist / ist in nit gut / Aber  
speise die in bequem sind nach gelegenheit irer krächheit /  
die sollen dawlich vnd lind sein / das sie den leib nit stopf  
fen / als brodt eins tags alt / auch sollen sie jr brodt / das  
sie essen / lassen backen mit Anis vñ Fenchelsamen / auch  
das wasser das man zum werck gebraucht / darinn soll  
Isop gesotten sein / Auch mag man in Brodt mit But  
ter vnd wenig Saffran backen / welchs ihn sehr zutreg  
lich ist / harte Eier / alt Fleisch / faule speise / vnn  
das feist ist / sollen sie meiden / jung Rindfleisch ist  
samt den Suppen sehr gut / auch Feder Wildtbrat  
gebrat

gebraten/an Gensen vnd Enten/ist gut/sonderlich vö-  
gel die sich ernern in Wacholder stauden/ als Kramets  
vögel/wilde Tauben/vnd dergleichen/junge Ziglein vñ  
Lambfleisch/ auch alles Wildtbrät vñ Fleisch / ohn  
Schweinens/vnd das da nit feist ist/mögen sie nutzen/  
die Lung von allen thiern ist in gut zu essen/ sonderlich  
vom Fuchs/wiewol die Lungen von allen thiern ein ei-  
gentschafft haben/das sie nütz seind ihn zu essen/jedoch  
für allen sind die lungen vom Fuchs zutreglicher zu nüt-  
zen/auch gbratens ist in bequemer denn gsotens/Aber  
kein gebackens oder gerösts sollen sie essen / auch ist ihn  
sehr gut/vonder brüh gerruncken eins Capponen / wel-  
cher außgnomen/vnd wider gefüllt mit Rosin vnd Pe-  
tersilg/vnd Fenchel wurzel/süßholz/sünff Feigen/ein  
wenig Isop/alles wol gereiniget / darnach in den Caps  
pon gefüllt/vnd damit lassen sieden biß er mürb wird /  
Man soll in in einer brüh lassen ein sieden/das der brüh  
bleibt/bey ij. kandelin/ solche magstu wol mit Safran  
machen/auch mit Muscaten blü/vnd trinck allen mor-  
gen ein köpflein voll warm auß / ein tag oder vier nach  
einander/ist im sehr gut/Grün kraut mit Rosinlein mö-  
gen sie auch nützen zu linderung des leibs. Auch mögen  
sie gewürzt speiß wol essen zimlich/wie denn alles was  
sie nützen/zimlich sein soll / auch sollen sie keine Zwi-  
bel/vnd kein Obs/das da feucht ist/als Kirschen/Pflaumē  
Pferschen/Pfeben/vnd sonderlich keine Nüß gebrach-  
en/deñ sie beschweren vber die maß das haupt vnd bru-  
sté sehr/aber so sie etwas essen wollen / mögen sie ein Fei-  
gen oder zwei essen/oder ein Dattel/klein erlesen Rosin-  
lein/vnd Pinien/ die vor auß einem warmen wasser ges-  
waschen sein / darnach wider gedruckent / vnd also mit  
einem vberstraweten Zucker gessen/auch Lamperische  
nüß vnd



näß/vnd gebraten Castanien/abgezogen Mandeln süß  
vñ bitter/mögen sie nutzen. Auch sollen sie alle schwärm  
me meiden zu essen/Auch sind in gut Gersten graupen/  
durch geschlagen mit einer fleischbrü/oder Hühnerbrü/  
vnd mit brosen von einer Semel darin geriben/mit ein  
wenig Saffran/vnd frischer Butter oder Honig/solch  
es zu essen ist bequem. Auch ist sehr gut/das man Wein  
berlein bey einer quart in ein Weinessig lege/ein stunde  
oder zwo/darnach reibe sie in einem reibe topff mit Hüh  
ner brüh ab/vnd druck sie durch ein tüchlin/diese mag  
stu mit dötterlein von einem Ey vnd Saffran machen/  
vnd also genießen/ist dir sehr gut/vnnd wilt du ein we  
nig ab gezogen Mandeln darunder reiben/magst du es  
auch thun.

Mit dem trincken solt du dich also halden/Starcke  
grob/dicke/sawre/vnd harte Wein sind dir nit gut/son  
der mild subtile Wein/die sich nahen zur süßigkeit/die  
sind nit böß zu trincken/allein das sie es wenig trinck  
en/Auch sollen sie Honig wasser lauter gesotten trinck  
en/für den wein/den man kans leichtlich bekommen/Der  
halben dient es für die armen/den ist es besser den der bes  
quemest Wein.

Auch newen trüben Wein/den sollen sie nicht trink  
en.

Alt sawr Bier ist im nicht gut/sonder Bier das ver  
gärn ist/mager trincken/also ier trinck was er wöll/als  
lein das er auff ein mal mit viel sonder wenig trinck/wie  
er den auch sich mit geringer/vnnd nit mit mancherley  
speis/gnügen soll lassen/Auch also mancherley gerenc  
meiden/er sol keinen grossen gähnen trunck thun/sonder  
ein wenig vnd aber ein wenig/Auch ist wein gut zu nü  
ßen vor dem essen/mit eingeweichter Semel/Darnach

D ein

ein trunck oder zwey gethan von wein/der subtil/weis  
nit grob vnd schwer/sonder sich neigt zum süßen/ denn  
solcher wein ist wie ein Ergney zu nützen/ vnd mag ein  
eben theil zu sich nemen/so er kein hefftigen Husten hat  
auch kein Sieber/ sonder wo der schleim außzuwerffen  
zäh ist/mag der Wein getruncken werden/das sich sol  
cher schleim deßer bas reinigt auß der lungen/auch soll  
man sich zwischen dem essen für Wein trincken enthal  
ten: den es bringt in bschwernis/so er aber den durst nit  
halten kan/so trinck er ein stund oder v. nach dem essen  
ein trüncklin Wein/ oder zwey/ odder Honig wasser/zu  
hilff dem außwerffen. Mit der Ergney soll mans also  
halten/wiewol teglicher abbruch des schleims von nōa  
ten wer/so will sichs nit leiden/das man all tag der erz  
ney pflege/vnd die Natur/die da nechst Gott allein ges  
fund macht/ durch steten vnnnd teglichen gebrauch der  
Ergney geschwecht werde/ darumb muß man mit der  
Ergney ein zeitlang umbgehn/vnd ein zeitlang ruhen/  
auff das die natur nit geschwecht wird/vnnnd also aus  
gwonheit teglicher ergney/möcht die natur nachleßig  
werden zu wirken/den von gewonheit entpfehet man  
kein wirkliche enderung/so ist vor allen dingen der leib  
teglich linde zu halten/das er auffs wenigst ein tag ein  
stul hab/so er den von gewonheit zwey hat/ists im bes  
ser/so er aber im leib fest were/das er nit täglich ein stul  
hette/so muß man in dazu gewenen/mit linder speis vñ  
zuzeiten mit anderer linderung/wie volgen wirdt/vnd  
wie du es finden wirst/ im gemeinen Regiment der gfun  
den/so du am tag früh bis zum Abendessen keinen stul  
gehabt hast/so nim vnd iß ehe denn du das abendmal  
pflegest/einen gebratnen apffel/der wirdt dich linden/  
oder so du Cassie fistel hast/nim jr ein lot/iß sie für dem  
abends



abendenessen/oder von dieser Latwergen/die macht man  
dir in der Apotecken.

**R. Electua. de Sebesten sine diagridio vn. ij. cassie**  
ducte vn. j. dia prunis soluti vn. ꝑ. mis. detur in pixide/  
von dieser Latwergen magstu frů/oder für dem abent  
essen in acht tagen ein mal oder zwir nutzen / als ein Ca  
stanie gros also essen/oder in einem leffel Zwerggen brů  
oder fünff zu treiben/vnd frůh warm getruncken/vnd  
weñ du feste im leib werest/vnd hettest keinen stul dar  
von/so nim den andern morgen noch einmal soniel/vnd  
so du meinst/das dir solchs zu gering ist/so nim auff ein  
ander mal noch so viel / das du einen stul oder zwen ha  
ben mügst/vnd du solt dis nit alle tage brauchen /denn  
weñ du dis zu dir nimpst / so gebrauch keinen gebraten  
Apffel/ vnd widerumb / weñ du aber sonst im leibe lind  
bist/so ist dirs auch nit von nöten/vnd solchs ist dir des  
winters zu gebrauchen am nützen/des Sommers so du  
im leib fest bist/so nim drey oder vier Vngerisch Zwerg  
gen/oder andere die süs sind/vnd leg sie in frisch wasser  
das sie rein vnd weich sind/weñ du auff den abent essen  
wilt/so heb mit den an zu essen/auch nim ein halbs Sal  
zirlein Erbißbrů mit zucker/lindet auch lieblich/mehr  
ein Salzirlein halb der brůh von grünem Kraut gesot  
ten/mit frischer Butter gemacht/ist ein sehr natürlich  
linderung des leibs. So du aber vber ein Jar linderung  
bey dir haben wilt/das du darvon gebrauchest/weñ du  
wilt/ob dich diese gschriebne stück nit lindet/so las dir  
in der Apotecken dienach geschriebene linderung mache  
en/die sehr gut ist.

**R. Passularum enucleatarum et cū bono vino bene**  
lotarum vn. vj. Et exprime per pannū cū iulep violato  
pulpe prunorum daetilorum Tamarindorum añ. iij. ii.

**D ij quaz**

quatuor conseruarum cordalium añ. iij. iij. Diaprunis  
soluti iij. v. diagridij scrup. v. misce omnia cum iulep.  
violato / von welcher jez geschriben linderung nim des  
morgens früh als ein Castanie groß / faste darauff ein  
stundt oder vier / auch mag ein jeder / der von natur fest  
im leibe ist / dadurch jm sehr viel beschwernis ins haupt  
komen / von dieser Latwergen / wie gemelt / nützen / wel-  
chen tag er will / nem als ein Castanie groß / wirdt in na-  
türlicher weise im leibe linden / dieweil linderung des lei-  
bes bequem ist in dieser vngeschicklichkeit des athems /  
so ist doch kein bequemester weg zu reinigen die Brust /  
den durch den speichel / dieweil diese krankheit / ist eine  
verstopffung der wege des athems / durch den schleim /  
der sich da enthelt / ist erstlich / So einer starck vnd leib-  
lich / vnd groß geäder hat / vnd nit sehr mit dem alter be-  
schwert / das er im jar ein mal die Leber ader im arm / od-  
der auff der handt schlagen lasse / so er vorhin gelassen /  
oder gewont ist / darnach in vier wochen jm ein tranck  
lassen zurichten.

R. liquiricieras. vn. j. Rad. polipo iij. ij. Geniculi vn.  
v. Passularum m. j. Caricarum. no. vj. Dactilorū no. ij.  
Sebesten no. vj. Isop prassij añ. m. j. Se. anisi. feni. añ.  
z ij. Agari. in pecia ligati z j. S. vrtice. z j. coquantur in  
aqua q. s. ad iij. partis consumptionem / et in fine coctus  
re imponatur Epithimi in v. et deponetur de igne et  
stent in infusione per vi. horas / postea colature adde  
mellis despu. vn. ij. fiat Syrup. longus / Donn solchem  
tranck trinck alle morgen einen warmen trunck / als ein  
halb köpfle voll / das thu biß der tranck all ist / darnach  
magstu dich reinigen mit Pillen / oder mit Lectuarien.  
Die Pillen laß also machen.

R. Pill. de yera. cum agarico. xxxv. Agar. tro. scrup.  
p. Dias



v. Diagridij gr. j. fiant pille. ix. cum melle Ros. Diese pillen magstu nutzen all auff ein mal / fast darauff v. stunde / darnach trinck ein lauter fleischbrüh / oder lauter erbißbrüh / oder laß dir diese Lectuarie machen.

R. Electuarij de Sebesten 3 iij. de Dactilis 3 ij. agatro. gr. v. fiat bolus / solch Lectuarie magstu essen / oder in einer Rosinbrähe zu treiben / vnd warm früh trincken / dich darauff innen halten / faste darauff fünff stunde / halts wie mit den Pillen. So du nu diese Erzney gebraucht hast / so magst du dieser Rächlein gebrauchen abents vnd morgents eins oder zwey im munde zu halten / die hole dir auß der Apotecken. R. Dinyris sim. quart. j.

Wiewol diese Rächlein zu solcher sachen dienstlich sein / so laß dir diese Latwerge machen / darvon nim inn mundt abends vnnnd des morgents / als ein Haselnuß groß.

R. Loch sani. vn. ij. de pol. vulpis vn. j. de sarfara vn. v. radi. aristo. ro. Epithimi añ. scrup. v. croci parum fiat mixtura cum oximelle. So du mit solchem vier wochen hast weg gebracht / so gib dir ruh mit der Erzney / vnd volg der Ordnung im Regiment verzeichnet nach / also das du dir in allem thun abbruch thust vnd messig lebest. Auch ist sehr gut / dieweil du also ruhest vier wochen / das du dich ein mal möchtest brechen / welliches nach dem essen soll geschehen / so du es thun kanst / vnd gewont vnd geschickt bist / also das du eine grosse brust habest / So du dich aber mit grosser angst brichst / vnd kompt dich sawr an / vnd bist nicht gewont / so las anstehen.

So du dich brechen wilt / so iß im essen zu mittage / oder auff den abend / weß dir ebnet / was du hast / es sey

D iij Kraut

Frant rüben/das las zimlich feist machen/vnd las dir ei  
nen Senff mit Honig reiben/den geneus mit der speise/  
vnd wenn du dich sat gessen vnd getruncken hast/so nim  
ein wenig warm wasser/thu darein ein wenig saltz/vnd  
ein leffel Baumöls / oder Butter / das trinck ein halbe  
stund nach dem essen hinein / vnd gehe ein wenig in der  
stuben auff vnd nider/den mach dir einen grauen/vnd  
cunck den finger in öl/vnd steck in in den hals/vnd wirf  
redlich vber fänff/ vnd wenn du dich brichst / so thu den  
daumen in die linck handt/vnd druck sie fest zu/ so mag  
dir das brechen deinem heupt vnd gesichte keinen schas  
den zu fügen/Vnd wenn du die speise mit dem schleim he  
raus gebrochen hast/so las dir ein Süplin geben / dazu  
ein trunck weins/ vnd belade den Magen mit mit vberi  
gem essen/auff das brechen / Darnach so du nicht besse  
rung fülest / vnd der athem will sich nit läfften/ durch  
die reinigung der brust/so las dis nach folgende Recept  
machen/welches schäpffer ist zur reinigung/ vnd den  
schleim zertheilen / Nim Süsholtz zwey loth / Alant  
wurzel/Steinwurzel jeglichs ein loth/klein Rosinlin  
ein quart/zehen Feigen/Venus har/Gott vergis/Iso  
Salbey bletter/jeglichs ein handtuoll/Anis/Vesselsa  
men/jeglichs ein quintlin / solchs koch in drey nösel was  
fers/bis die helffte ist eingesotten/Darnach nim es rab/  
vnd las also zu gedeckt sechs stunde stehn/darnach seih  
es/vnd drucks durch ein thuch/ vnd hol auß der Apote  
cken diese nach geschriebenen Syrup / die vermisch vnder  
den tranck.

R. Syrupi de prassi. vn.ij. Oximellis squillitici vn.  
j. v. mis. Von solchem tranck magstu allen morgen ein  
warmen trunck thun / dieweil er weret / Darnach vber  
ein stund / von diesem nachg/schriebenen Loth/ als ein Cas  
stanien



stanien groß in den mundt nemen/ vnd sonst vor dem ab-  
bende/ essen/ vnd wenn du schlaffen gehen wilt.

R. Rad. alth. extracta medulla. m. xv. buliant in s.  
q. aque ad aque consumptionem / deinde confricetur  
per aliquid / et adde Loch de sarsara vn. ij. Diapaindis  
cum zuc. vn. xv. penidica. vn. j. Croci scrup. v. mis. fiat  
Loch/ Darzu ist auch gut/ das einer vnder zeiten nütze/  
wenn er wil schlaffen gehen/ ein Zibeben oder sunffe/ ne-  
me die kerne heraus / thu in jegliche ein blämlin oder  
drey Saffran/ lege sie auff die kolen/ das sie erwärmen/  
vnd sie genießten wenn du nymmer trincken wilt/ daß  
sie lüfften vnd lindten sehr vmb die Brust/ wie du befindest  
den wirfst.

So nu einer sich dermassen wie geschriebē ist/ nicht  
halten kan oder mag/ vnd solche vngeschicklichkeit des  
schweren athems / durch das böse wetter / oder bösen  
dampff/ vnd rauch der Zütten/ an sich gezogen/ vnd  
noch teglich zeucht / vnd teglicher arbeit oder armut  
solcher langwerigen krankheit mit der Erzney aus  
der Appotecken nicht auswarten kan / der sol ihm also  
nur thun/ Erstlich zu reden von dem bösen wetter/ das  
einer bey sich hat/ Vnd ist der dampff den einer in sich  
zeucht/ er sey vom bösen wetter/ oder vō seze/ so kompt  
den die vor der örteren erbeiten/ da es fest ist / trucken  
vnd kist/ da fassen sie den staub vom As in sich/ der in  
die lunge zu frist/ bis sie alles von in werffen/ vnd end-  
lich verbrād ding / wie man ein feurmaur het greinigt  
Vñ wenn sich solchs mit dem auswerffen begibt / so mü-  
gen sie es nicht lang zu komen/ aber solchē rath zu schaf-  
fen/ ist mühe / Jedoch stehet ihre sache im anheben/ an  
reinigung vnd heilung der lungen/ welche so sie es also  
zwingt/ nichts anders brauchen/ den ein honig wasser/  
darein

ph  
darein ein Isop geworffen / vnd solches abends vnn  
morgents ein warmen trunck getruncken / reiniget sehr  
die Lungen. Auch ist gut / das solche / die an solchen örte  
ren arbeiten / weñ sie auß farn ein lawlich wasser / oder  
Kouent / oder eine brüh von welcken rüben gesotten / eh  
den sie essen / den mund vnd hals damit außflähen / vnd  
eh denn sie wider in die grube faren / sollen sie auff einen  
bissen Brodt ein wenig Butter streichen / darauff ein  
wenig von gestossen Alantwurgel strawen / vnd essen /  
So du aber dir so viel guts nit thun wilt / so habe stets  
Alantwurgel bey dir / nim ein stücklin oder zwey in den  
mund / kâw sie / vnd wenn du auß farest / so sprü sie auß.  
Alantwurgel ist sonst gut im munde zu halten / wenn  
vergiftte lufft / vnd böse dicke nebel im Thal sein / Auch  
ist dir gut / das du / so du neben dem außwerffen abnim  
mest / vnd dich ein schawer vnn flihende hitze / teglich  
vberkreucht / welche so du es vermagst / las dir ein Cap  
pon sieden / den las auß nemen / vnd fülle in mit Süßem  
holz / Rosinlein / Feigen / ein wenig Muscatenbläh / vnd  
Zimetrinde / Salben bletter / Veieln vnd Borrage blü  
men mit den kalten samen / ein quintlin oder zwey / mit  
solchem las den Cappon sieden / in einer brüh / das man  
sie nicht wärze / wirff darzu hinein ein gute handt voll  
Petersilgen wurzel / vnd weñ sich die beine lösen / so hat  
er gnug gesotten / von solcher brüh thu allen morgen ei  
nen trunck / dieweil sie wert / vnd weñ du solches gebrau  
chet hast / sampt dem Honig wasser / so las dir vnter zeis  
ten klein Rosinlein in einer pfannen brechlen / die nütze  
wenn du wilt / Auch mach dir ein puluer / Nim Süßhol  
ze vier lot / Feiel wurzel / Alantwurgel jeglichs ein lot /  
solchs stoß alles zu puluer / reib es durch ein siblin / Dar  
nach thu darunder Suchs lunge j. lot / die schneit klein /  
vnd



vnd stos sie/vnd misch vntereinander/thu darzu Zimet  
rinden/Muscatenblü/Senchelsamen/jeglichs ein quint  
lin/gestoßen Zucker vier lot/solchs misch alls zusammen/  
gebrauch dauon abends vnd morgents/oder mach das  
rauß ein Electuarien mit geleutertem Honig/vnnd ge  
brauchs/vnd weiß du solchs gethan hast/so nim Cardo  
benedicten Kraut/das stos zu puluer/vnd thu ein hal  
ben leffel voll inn ein warm trüncklin Bier/das trinck  
nüchtern/oder wenn du wilt schlaffen gehn/solchs thu  
ein mal oder drey/wenn du eine gute zeit eiterischen spei  
chel von dir geworffen hast/auch wenns in der Fasten  
oder Winter ist/so magst du wol des abends ein halb  
vberschlagen Mähtrincken/nicht auff ein mal hinein  
sauffen/sonder ein mündt voll nach dem andern/vnd al  
so lassen gmählich in hals seihen/darnach ein gebraten  
Zeigen/oder Rosinlein gessen/ist sehr gut/auch so du  
dermassen geschickt bist/hät dich vor brechen/vnd pur  
gation/vnnd hizzigen baden/harter bewegnus/kalter  
luft/kaltem getrencke/sehr gewürzter speise/gerenck  
erten fleisch vnd Vischen/die brust/haupt/vnnd füße  
halt warm/so wirdt Gott der Allmechtige seine gnade  
geben.

### Für das böse Wetter.

**S**o jemand auf der gruben kompt/der böß Wet  
ter bey jm hat/vñ ist im Herbst oder Winter/vñ  
wolts gerne von jm haben/so er fület das er viel  
dampffs in sich gezogen hat/der thu jm also/er laß jm  
sieden in eim lautern honig wasser/welchs du also mas  
chest/Nim ein leffel Honiges/zwo Kannen wassers/laß  
sieden/vnd scheume es/bis keinen schaum dar auff hat/

LE dar

darnach wirffe inn das Wasser eine handtroll Zwerg-  
gen/die Kerne heraus gethan/ein handtroll Rosinlein/  
zehn Feigen / ein wenig Alantwurgel / Klein geschnit-  
ten/vnd ein wenig Isop/das las sieden/bis auff ein Nö-  
sel/ das seihe durch ein thuch / darvon nim des abends  
weiß du wilt schlaffen gehn/ein guten warmen trunck/  
vnnnd lass dir holen aufs der Apotecken / dis Ruchlein/  
das da heist Dyaturbit / sechs quintlin ( also geschries-  
ben/Dyaturbit iij. vj.) das Ruchlein zu reibe inn einem  
Köpflein/vnd geuß von dem Trancß darauß / das es zero-  
gehet/das trincß morgens früh warm auß/leg dich das  
rauff wider nider / schlaff eine stundt/vnd schwize nit /  
Vnd wenn du es eine stundt odder zwö bey dir gehabt  
hast/vnnnd dir grawet/so las oben gehen/vnnnd halte es  
nicht/vnd wenn dichs zu stul treibt/so schlaff nimmer /  
halt dich vor mittags innen in der wärme/bleib vngesa-  
sen bey sechs stunden/darnach trincß ein warm bier mit  
buttern/oder Erbsßbrü/darnach magstu essen/wirstu  
darnach beschwerung vmb die Brüste füllen/des bösen  
wetters halben/so magstu des jars ein mal oder zwier /  
als im Herbst vnd Fasten/solchen trancß sampt der pur-  
gation gebrauchen/so du nit zu alt oder zu schwach das  
zu bist/den alte Leute soll man nit mit harter Purgati-  
on beladen/Auch mögen solchs die Schmelzer/vnd die  
teiglich im Hütten stanck vmbgehen/gebrauchen/Wies-  
wol sie meinen/mit sauffen alles ab zu wärschen/vnd son-  
derlich mit Wein/so sag ich/das in der Wein sehr sched-  
lich ist/weiß sie sich stets mit fülle beladen / den er füret  
in den Bleyräuch in die glieder/das sie deßter eh das reif-  
sen/vnd die lähme der glieder oberkommen / Derwegen  
soll keiner nüchtern in die Hüt gehn / soll auffs wenigst  
ein bißsen brodt mit Butter zu sich nemen/oder ein süß-  
lein



lein so ers haben kan/vnd die in Hütten arbeiten/ sollen  
 ein Wachholder beer oder sechs essen mit einer Feigen/  
 oder mit ein wenig Anis/Vnd wenn sie auß der Hütten  
 komen/sollen sie sich rüspere/vnd den speichel von ihn  
 werffen/dieweil dämpffigkeit vmb die brust/vnnd bes  
 schwerung des athems nit allein die in Hütten/ sonder  
 auch in gruben arbeiten/an sicht/so solln sie sich wie sol  
 get halten/auff das dieweil sie beschwerung am athem  
 befinden/durch teglichen gebrauch etlicher ding/abs  
 bruch thun mögen/auff das sie nit in grösser beschwer  
 nis komen/so sind ein theil Schmelzer gewont/das sie  
 sich oft brechen/vnd so lösung empfahen/so hat es mit  
 dem brechen diese meinung/das man sich nit nüchtern  
 brechen soll/auch nit offte/den nüchteren brechen ist nie  
 gut/vnd offte brechen verderbt den Magen. *Quia continue*  
*uomore est facere de stomacho cloacam.* Sonder brechen inn diesem  
 fall/ist den die es gewont sein/vnd leichtlich ankömpt/  
 vnd ein grosse brust haben/vnnd nit mit vberigem leib  
 beschwert sein/nit vnbequem/sonderlich Schmelzern/  
 im halben oder viertheil Jar ein mal/vnd des Somers  
 ist bequemer zu brechen/denn des Winters/vnd sonder  
 lich nach essens/vnd weiß sie sich brechen wollen/sollen  
 sie feiste speis essen/vnd Senff mit Honig lassen ab rei  
 ben/den nützen im essen/vnd feist Kraut mit Thill las  
 sen zu richten/vnd eine gute position mag er essen/vnd  
 darzu einen guten trunck thun/darnach vber ein gute  
 halbe stunde/mag er sich brechen/wo nicht/neme er ein  
 wenig warm wasser/darin thu er ein wenig Salz/vnd  
 ein leffel Baumöl das trinck laulich/darnach mach dir  
 einen gravel auff das du dich brechen kanst/vnd wenn  
 du die speise/mit viel schleims hast heraus gebrochen/  
 so flähe den munde auß/vnd las dir ein Süplin geben/

vnd vberlade den magen nit baldt mit vberigem essen/  
des gleichen thu des andern tages auch/denn nach dem  
ersten brechen zeuht sich der vberige schleim in den ma-  
gen/vnd ist das ander brechen nöter denn das erste/der  
halben ist bequemer das du dich nicht oft brichst/son-  
der so du geschickt vnd gewonet darzu bist/so thu es in  
ein jar oder in ein halben zwir/das ist zwen tag nachei-  
nander/du wirst besser losung befinden/denn so du dich  
oft brichst/ So sich aber etliche nicht wol brechen kün-  
den/die lassen sich purgiern/wie im vorigen Regiment  
ist angezeigt. Auch sollen sie des Winters vnd Herbst/  
in vierzehn tagen ein mal oder zwir auff ein abent/weiß  
sie wollen schlaffen gehen/dis brauchen/sonderlich die  
in Zechen vnnnd Zütten teglich zuthun haben/Vim ein  
wenig brosam von rockenbrod/das reib in ein schüssel/  
dazu thu ein halben leffel voll gestoßen Zucker/meng  
das vnter einander/geus darauß ein guten gebranten  
Wein/das sichs feucht/zünd den an/las in außbreñen/  
bis auffs brodt/darnach iß einen leffel voll dauon/das  
ander magstu andern mittheilen/trinck nicht darauß/  
so wirstu des morgens lustig/vnnnd ein gute lufft vmb  
die Brust gewinnen. Auch ist gut zu nützen des abends  
vnd morgends ein leffel voll oder zwen im mund zu hal-  
ten/vnd ein lassen fließen/von diesem nach geschribnen  
tranc/vnnnd sonderlich des Winters. Vim eine kandel  
Wein/der da mild/nit hertlich ist/darein thu ein gute  
handuoll des krauts/Gott vergiß gnant/welchs du in  
der Apoteken findest/vnd heißt Prassium auff Latei-  
nisch/dasselbige las mit dem wein sieden/bis das dritte  
theil eingesotten/darnach nim zween gut leffel voll ab-  
gescheymet Honigs/las es ein wenig damit sieden/dar-  
nach seihe es durch ein thuch/vnd heb es auff in ein ge-  
fess/



fess/da von gebrauch ein leffel voll des morgens warm  
wie verzeichnet ist. Auch soltu vnder zeiten / von diesen  
pillen j. oder ij. auffss meist in acht tagen ein mal schlin  
gen/die du dir vmb ein gerings lest in der Apotecken zu  
richten.

R. Agarici al. et boni. xxxj. Gentiane scrup. ij. Gere  
pigre simplicis Sarco colle radicum yrios / mirre dra  
ganti Aristo. xx. Masticeis succi liqui. an. xxxv. fiant Pil  
lule cum Sijo de Prassio fiat massa / reformentur de  
massa pillule xj. pro xxxj. cum predicto Syrupo / quan  
do postulauerit et signetur massa pillularum pro ass  
mata.

Auch seind diese nachgeschriebne Pillen inn grosser  
bewerter vbung/eine zu schlingen vor dem abendessen/  
oder zwo wenn er schlaffen will gehen/die las dir in der  
Apotecken machen / gestehn nit viel.

R. pillularum de Serapino iij. ij. reformentur pillu  
le xj. pro xxxj. cum Syrupo de Isopo / Auch so dich der  
Paraxismus ankeme / das du des nachtes vor beschwe  
rung des athems an der Brust nicht köndest ligen/son  
dern müstest auff sitzen / so schlinge dieser Pillen zwo /  
vnd des andern tages auch zwo /in acht oder vierzeh  
tagen ein/vnd so du dich besorgst/ das der Paraxismus  
möcht komen / so nim den tag daruor zwo Pillen / denn  
du wirst grosse hilff durch den gebrauch dieser Pillen er  
langen. Auch ist gut/ ein tröpflin oder zwey in ein leffel  
Honig wasser oder Wein lassen trieffen von dem guma  
mi/Armaniaco genant/vnd solchs eingetrucken/ dess  
gleichen gebrauch auch von Serapino / auch laß dir in  
der Apotecken dis nachgeschrieben zurichten/von wel  
chem du oft nützen solt/des abends vnd morgendes/  
wenn du sonst nichts gebrauchst.

℞ iij R. Loch

R. Loch de farfara vn.ij. Diapenidion vn.v. pulmo  
vultis preparari xxxv. Croci parum fiat mixtura cum  
Oximelle/ Auch soltu dir ein Puluer zurichten/ welches  
du in stetem gebrauch haben solt/ wenn du nichts hast  
das du dauon in den munde nimst/ weñ du wilt ein wes  
nig/du gehest aus/oder farest in die gruben/ oder in Hü  
ten/es sey vormittag oder nachmittag/ so ein dicker ne  
bel vorhanden ist/ so nim ein wenig als du mit zwey fin  
gern fassen kanst/ vnd iß es/ darnach gehe war du wilt/  
nim Süßholz das gut vnd rein ist iiii. lot/ Seeinwurz  
el zwey lot/ Holwurz ein lot/ Veiel wurzel zwey quint  
lin/ Ingber zwey quintlin/ Salbey bletter die da durre  
sind/ ein handtuoll/ Anis/ Fenchelsamenn/ jegliches ein  
quintlin/ Quittenkörner zwey quintlin/ solchs alles jeg  
lichs zu puluer gestossen/ vnd durch ein siblin gerieben/  
vnd alles mit einander vermischet/ vnd so du wilt/ mag  
stu ein quart gestossen Zucker darunder mischen/ vnd so  
du es krefftiger wilt haben/ zu sterckung des Haupts/  
vnd Magens/ thu darunder Zimetinden zwey quint  
lin/ Muscaten blüß vnd Galgant jeglichs ein quintlin/  
so hastu ein gut puluer für den schweren athem / vnd  
dampff der brust/ auch ist gut zu nützen Quitten safft  
mit Zucker eingemacht/ denn solcher beschützt/ wer ihn  
im gebrauch hat/ das einer keinen schweren athem vber  
komen mag/ Vnd ist sonst zum Magen vnd linderung  
des leibes eine köstlich argney. Auch puluer von Alant  
wurzel/ mit Honige vermischt/ vnd ein wenig Saffran  
darunder gethan/ ist sehr bequem zu nützen/ Auch Lieb  
stöckel wurzel/ vnd mit ein wenig veielwurz vnd Anis  
solchs gestossen/ vnd zusammen vermischt/ darzu ein we  
nig Holwurz gethan/ mach daraus ein puluer/ odder  
vermisch es mit einem wenigen geleutertem Honig/ ge  
brauche



brauche dauon ein wenig/ wenn du wilt in die grube fa-  
ren/ oder in die Hütten gehn. Eliche Kreuter vnd wur-  
zel zu solcher vngeschicklichkeit dienstlich volgen/ erst-  
lich vor allen/ ist Isop Kraut/ Wolgemut/ Camillen blu-  
men/ Veldt kammeln/ Pferdemünz/ Venus har/ Bern-  
klawen/ Gott vergis/ Brunntress/ Boley/ Salbey blet-  
ter.

Von Wurzeln ist vor allen die best/ Alantwurz/ Süssholz/ Lieb stöckel/ Veielwurz/ Holwurz/ Steins-  
wurz/ Fenchelwurz/ Feigen/ Rosinlein/ Datteln/ Cis-  
beben/ Pinten/ Mandeln/ vnnnd der gleichen/ Von diesen  
obgezeigten Kreutern vnnnd Wurzeln/ magstu von eis-  
ner jedern sonderlich genießten/ Trencke odder Puluer/  
wie du gnugsam bericht bist/ daraus machen/ Wiewol  
man der sachen auch durch räuchen vnd schmirn raten  
möcht/ soll kürz halben auff dis mal genugsam dauon  
geschriben sein/ man gehe dem bericht wol nach/ vnnnd  
einer habe gut achtung/ auff sich selber/ Gott der All-  
mechtige wirdt gnade verleihen/ das er solches vbel  
ab kome.

## Von der heiserkeit der Sprache.

**W**enn einer heiser wirdt/ das er nit reden kan/  
der kome inn der zeit für/ eh die heiserkeit vber  
handt nimpt/ Wiewol mancherley vrsachen  
zpuerlegung der stimme sind/ so sindt sie doch am meis-  
sten von flüssen die inn hals auff die lunge fallen/ vnnnd  
durch ire eigenschafft verletzen vnd verhindern/ das  
einer heiser redet/ vnd so man solchē helffen wil/ so muß  
man in erstlich den flus entnemen/ das haupt reinigen  
also

*pillule e*

also Nim Alphagin pillen des abendts / die ein wenig  
gescherpffe sein / ein halb quinclein / soll sich derselbige  
auch vor kalter scharpffer lufft hüten / vnd nit baden /  
nit kalt getrenck trincken / Er soll auch eine handtuoll  
Braunnellen in einer brüh von welcken rüben gesotten /  
mit einem halben Rosentuchen ein wenig sieden lassen /  
damit magstu linde vnd gemach den halß außflähen /  
nicht sehr / aber offft / sonder wenn du essen wilt / vnd ges  
sen hast / du solt aber nit hart gorgeln / auff das du den  
flus nicht zu hart bewegst / vnd brich dir von vberigem  
essen vnnd trincken ab / Enthalt auch dich vor sawerer  
vnd sehr gewürzter speise / so ist dir gut stets zunützen  
dis nach geschriben Loch / welchs du las in der Apotec  
cken zurichten / zu nützen wie volget.

R. Loch de caulibus quartam vnam / von diesem ni  
me in den munde / als ein halbe Castanie gros / las gmä  
lich inn halß fließen / das thu so offft du wilt. Auch hat  
man kühlin in der Apotecken / die heißen Diariris Sa  
lompnis simplicis / die dienen dir von eigenschafft / vnd  
sind sehr hülfflich / der selbigen nim offft eins inn munde /  
des tags vnd nachts las zugehn / solcher kühlin kauff  
vor ein Groschen / so hastu jr lang genug / auch magstu  
ein wenig Weirauch vnd Myrrhen zusammen lassen stofs  
sen / vnd mit einem weichen Eyessen oder trincken / auch  
magstu nützen / vnnd holen auß der Apotecken ein vnz  
Diapenidion / vnd gebrauchts wie die vorigen kühlin /  
auch nütz der kühlin auß der Apotecken / Diatragana  
tum genant / auch magstu safft von süßem holz ein we  
nig in mund nemen / vnd zugehen lassen / Mehr ist gut /  
das du nimest ein halb lot Cubeben / die stoss zu puluer /  
reib darunder im mörser / sechs loth Zucker Candit / ver  
misch das vndereinander / vnd nim abens vnd morgens

dauon /



danon/als du zwischen zwey fingern halten kanst/ Vñ  
so dir das heiser lang an hat gehangen/ vnnd du weder  
reden noch singen kanst / vñ darzu viel groben schleim  
von dir wirffst/ vnd dz im Winter / vñ dich will nichts  
helffen/ So nim ein heupt oder zwey Knoblauch/ Koch  
den in Bier/ vnd von dem trinck abents vnnd morgens  
einen warmen trunck/ vnd vorschling ein stücklin vom  
heupt/ es wirdt baldt zu deiner natürlichen rede vnnd  
stimme helfen/ Aber so du heisch bist von vbrigem har  
ten reden/ singen vnnd schreyen / so mustu deiner deffer  
wöler warten/ mit weicher linder speise vñ krafft müß  
lein/ heber breylein wol mit butter gemacht / so wirdt  
die gurgel lind/ das du die Bergliedlein in die höhe sin  
gen kanst.

### Vor beschwerung vnd Schwindel des Hauptis.

**M**iewol beschwerung des Hauptes on vberfluß  
nit ist/ welcher vberfluß ist anzeigen des glies  
des schwachheit/ welche am reisten vnd ersten  
durch verletzung dasselbige geschihet/ den schwachheit  
eines gliedes mag on vberfluß nit beschwerung mach  
en/ derhalben hat es diesen bescheit/ The schwacher am  
Menschen ein glied ist/ je mehr es mit vberfluß beladen  
wirdt/ Denn die krafft ist nicht da/ das es mechtig wer  
den vberfluß zuuerzern/ der sich im meisten in ein schwa  
ches glied lägert/ Derhalben ist beschwerung des haupt  
tes/ ein anzeigung etlicher vbriger feuchtigkeit/ die sich  
von den gliedern ins Haupt gezogen/ vnd mögen nicht  
verzeret werden/ vnnd machen also beschwerung/ vnnd  
nach der beschwerung wehtagen/ nach den wehetagen

S schwin

Schwindel/welcher ein zeichen ist/schwerer vnd schwins  
der krankheit/so der schwindel einen menschen an kom  
met nach hefftigen wehtagen des Haupts. Derhalben  
mus man dem vberflus abbruch thun / vnnnd darnach  
das Haupt stercken / So ist erstlich zumercken/ das bes  
schwernus/wiewol sie on hefftigen wehtagen seind / so  
machen sie doch einen vngschickt/faul vnd schlafferig/  
vnd zu allem verdießlich / vnd also anzeigung geben zu  
solcher krankheit des Haupts / so mag man ihm nicht  
fruchtbarlich rath schaffen / es sey den das man die vrs  
sach weg neme/ dauon sich solche beschwernus enthelte/  
so verursachen sich die meisten nachtheil des Hauptes/  
auß dem Magen/wiewol auch von der Leber vnd Mil  
ze/vnd in Weibern von der Mutter/so geschichts doch  
nit so gemeinlich/als vom Magen/ welcher so mit vber  
flus beschwert/vnd sich nicht schleußt / steigen die bres  
dem ins haupt/so ist des Magens verordnet wirkung  
das er darwe/vnd der speise zu gut mache/soll er sie nu zu  
gut machen/ so mus er sie begreiffen / vnnnd so er sie bes  
greift / so schleußt er sich / vnnnd so er geschlossen ist / so  
hat das Haupt weniger anstöße/vnd wo man den Ma  
gen auch zuviel mit speise vberläd / so kan sich der Ma  
gen nicht schließen / vnd seine natürliche wirkung en  
den/so wird er geschwacht /welches ist ein wurzel aller  
krankheit/darumb ist gemeinlich/wo ein guter Mage  
ist/ da ist auch ein vnbeschwerlich gut Haupt/widerüb  
wo ein schwacher Mag ist da ist gemeinlich ein schwach  
haupt/mit beschwerung beladen/so stehet die sache am  
meisten an recht fertigung des Magen/welchs du dich  
erkundest auß der auffsteigung/welchs ein vngeschloss  
sen Magen anzeigt/So du dich vbergesessen odder vbers  
truncken hast/so fast des andern tags/vnd brich dir ab  
bis



bis der Mlage solchen vberfluß verzeren kann/ auff das  
eine vollheit der andern nicht folg / Oder gebrauch ein  
pestilenz pillen oder fünffzehen/ die schling nüchtern/  
denn solche pillen recht fertigen den Mlagen/ vnd reinis-  
gen ihn von vberiger feuchtigkeit/ vnnnd so er sich nicht  
schleußt/ so schlinge nach dem essen ein Mastix körnlein  
oder vier/ vnnnd trinck nicht darauff/ auch nit zwischen  
dem Mal/ auch schlaß auff das essen nicht baldt/ denn  
solcher schlaß beschweret das haupt sehr/ inn dem das  
sich der Mlage nit schleußt / Derwegen soltu etwan ver-  
harren/ das du dem schlaß entgehen mögest/ ein stundt  
oder zwo. Auch kompt es gemeinlich / das sich beschwer-  
nis des haupts erursachen/ auß verstopffung des leibs  
also/ das er wenig zu stul geht/ solcher soll sich darnach  
schicken/ das er auffss wenigst des tags ein stul hab/ wel-  
ches er thun kan durch linde speise/ odder des Winters  
zeit/ ein gebraten Apffel vor dem Abendessen vnder zeis-  
ten nütz/ oder ein wenig klein Rosinlein/ Zwerzgen/ eine  
oder vier auß einem wasser gewaschen / vnd vor dem ab-  
endessen gebraten/ Dergleichen mag er in acht odder  
vierzehen tagen/ des Winters von Pestilenz vnd Al-  
phagin pillen/ zu linderung des leibs nützen/ denn solch  
pillen seint on alle bschwerung der Natur/ haben auch  
die tugent an ihn/ das sie linden/ reinigen vnd stercken/  
vnd benemen alle faulheit/ die in den Humoribus wer-  
den/ Vnd so diese pillen ein mensch linden/ der sonst inn  
teglicher vbung ist/ vnd vberlegt sich teglich nicht mit  
vbrigem essen vnd trincken / derselbig laß sich an in ge-  
nügen/ vnd lobe Gott / vnd frage nit nach andern star-  
cken Purgacien/ denn gar starcke Purgation die schwe-  
chen die Natürlichen kräfte/ vnd bringen also ein zeit-  
lich alter / vnnnd so du merckest / das dir die pillen des

S ij Soma

Sommers zu hizzig sind/so laß dir diese nach folgenden  
Pillen machen/zugebrauchen des Sommers/ eine oder  
zwo vor dem abendessen/in acht tagen ein mal/Vnnd  
weñ du im leib fest bist/werden sie dich lieblich on allen  
nachtheil linden.

R. Aloes op. loti iij. ij. Scorie ferri preparati scrup.  
ij. Pillularum masticinarum iij. j. reformatur pillule  
xi. pro xxxj. cum aqua absinthij. Diese Pillen sind sehr  
dienstlich den so beschwerung im Haupt haben/des ver  
stopfften leibs vnd Magens / so du beschwerung hast  
im Haupt durch vberig essen vnnd trincken/ist die erste  
Regel / das du den vberfluß mit messigkeit dempffest/  
Darnach laß dir die nachgeschriebne Pillulen machen/  
deren nim drey odder fünff / wenn du wilt schlaffen ge  
hen.

R. Specierum yere simpli. iij. j. Mirabulanorum te  
bu. xxxv. Masticis iij. j. Aloes xxxj. v. Agga. scrup. ij. Sin  
zibe. gr. v. refor. pillule viij. pro iij. j. cum Oximel. Vnnd  
so du dich der Pillen zuviel läßt düncken / so las die Re  
cept die helffte machen / Auch ist sehr gut / so du der bes  
chwernus im haupt wilt los werden / du nimest in vier  
wochen auff ein mal ein loth oder anderthalbs Cassies  
fistel außgezogen / dieselbige gebrauch ein halbe stunde  
vor dem abendessen / vnd is nicht viel darauß / so nu der  
leib linde ist / vnd der Magen / Leber / Milz / recht fertig  
sein / vonn welchem sich offte nachtheil im Haupt bege  
ben / denn es ist ein gemein Regel / man soll dem Haupt  
kein hilff durch Ergney plegen / es sey den der leib von  
vberflus gereinigt so mus man aller erst das Haupt an  
greiffen / also mit vorziehung vnd zertheilung des flus /  
auch mit abbruch / mit reinigung / vnd endlich mit ster  
kung / Erstlich so die beschwerunge auß vberigem ges  
blüt ist /



blüt ist / das den spürest auß hiez des angesichts vnd rē  
 the der ader in augen / so las zu der ader / vnd las die Me  
 dian / vnd so du die Hauptader nie gelassen hast / so ges  
 wene dich nicht daran / denn diese Ader hat diese eigens  
 schafft / wenn sie ein mal gelassen wırdt / so mus man sie  
 offte lassen / vnd so man sie offte läst / ihe seher sie schwes  
 chet / vnd füret einen inn ein zeitlich alter / Derwegen ist  
 die Median sonst öfter zu lassen / jedoch vber zwey mal  
 nit / vnd so sie nit hilfft / vnd du hast die Hauptader vor  
 gelassen / vnd dich daran gewehnt / so wirstu das nicht  
 vmbgehen können / so du ruh haben wilt / den das du sie  
 schlagen lest.

So aber die beschwerung des Haupts ist von schlei  
 me / vnd kalter vberiger feuchtigkeit des Hirns / als am  
 meisten geschicht / So bistu trege / faul / schläfferig / die  
 glieder auff den augen sind dir schwer / vnnd gleich zu  
 schwellen / so solt du im also thun / nim Süßholz ij. lot /  
 Salben bletter / Berhonien / jeglichs ein handuoll / iij.  
 Datteln / x. Feigen / Peonien wurz / klein geschnitten ij.  
 quintlein / Pirritrum wurz j. quintlin / Senchel samen  
 ij. quintlein / solchs laß sieden in einer Kannen Wassers /  
 bis auff die helffte / darnach nim Veiel blumen / Rosens  
 marin vnd Mayoran / als zusammen ein handuol / wenn  
 du den tranck von dem feur nimpst / so wirffes hinein /  
 vnnd las es bedeckt stehen / vnnd thu darzu zwey loth  
 Zucker / dauon trinck abendes vnd morgendts / ein halb  
 köpflein voll / drey tag nacheinander / auff den vierden  
 tag nim ein halbs quintlin gescherpffte Alphagin Pils  
 len / oder laß dir diese nach geschriebene Pillen machen /  
 die nim auff ein mal frühe / vnd fast darauß fünf stun  
 den.

R. pillula de yera com. xxxv. Alephan. scrup. j. for  
 S iij mantur

mantur pillu. viij. cum aq. Bethonicae ad de Dyagrib.  
Gr. ii.

Du solt vormittag nit außgehn auch nit schlaffen/  
den sie heben an zuwircken/ Auch weiß du sie einnimpst/  
so schwiz noch arbeit nit/ darnach magstu dir des mor  
gens ein fusbad lassen zurichten von Hermlin/ Tosten/  
Veldtämcl/ vnd die füsse darüber bähcn/ Darnach mit  
warmen thüchern gerieben vnnnd getrücknet/ oder vor  
dem abentessen mit warmen thüchern lassen auff dem  
rücken hinab streichen/ auff den armen/ auff das mans  
bester leichter auß dem Haupt verziehen möcht/ vnd zu  
theilen / darnach des morgens mit ein linden warmen  
thuch das har vberfarn / vnd den darnach sich offte des  
tags kemmen/ so mustu dich auch darneben halten/ den  
on Regiment/ ist Ergney vmbsonst. Auch thut ein gu  
tes Regiment mehr/ den die ganz Apotrecken/ halt dich  
fürzlich also/ Ist des abents wenig vnd zeitlich/ vnd ge  
brauche des abendes linder vnd weniger speis den des  
morgens/ belad dich nit mit Wein des abends/ vnd wenn  
du wilt schlaffen gehen / so habe in zwe stunden nit ges  
truncken/ vnd lege dich auff das essen nit bald/ vnd ents  
halt dich nach dem tisch vor schlaffen/ vnnnd vor speiser  
die in das Haupt steigt/ als Zwiebeln/ Knoblauch/ sawr  
Kraut/ Senff/ Mörrhetig/ vnd geräuchet Fleisch/ vnd  
Fisch / auch kein Trüß / halt das Haupt im Herbst biß  
auff den Sommer warm/ vnd die nacht wärmer / denn  
des tags/ vnd gbrauch zuzeiten dieser nach geschriebcn  
pillen vnd puluer/ inn acht tagen ein mal odder zwier/  
darnach in vierzehn tagen ein mal/ vnd so fort an/ Die  
pillulen reinigen/ vnd dis puluer verzert die vberflüssi  
ge kalte feuchtigkeit / vnd leget das brausen in den ohr  
ren.

Pillen.



# Pillen.

R. Specierum yere simp. iij. ij. Pillula. alephanpis  
na. xxxj. v. reformatur pillu. xv. pro xxxj. cum aqua Ab  
sintij. Solcher Pillen nim drey odder fünff / wenn du  
wilt schlaffen gehen in acht odder vierzehen tagen ein  
mal oder zwier / sie reinigen vnnnd stercken alle sinnliche  
krefste / vnd irer gebrauch ist mit golde nicht zu bezalen  
wie du erfahren wirst.

## Puluer welchs das heupt sterckt vnnnd verzert das brausen vor den Ohren.

**I**m Römischen Kämel / Coriander jegliches  
ein lot / diese zwen samen lege ein nacht in essig  
darnach thu sie raus / vnd las sie trucken wer  
den / vnd stos sie zu puluer / Fenchel samen ij. quint. Ing  
ber / Erbeben / Muscaten blüh / jegliches ij. quint. Peoni  
en wurz ij. quint. Cardomomen / Zimettrind / jeglichs ein  
quint. solchs alles zu puluer gstoßen / mit Zucker vermi  
schet / nach deinem gefallen / von solchem Puluer nim ei  
ne stund vor dem Abendessen / oder wenn du wilt schlaf  
fen gehen / als du inn drey fingern fassen kanst / Auch ist  
sehr gut des morgents ein stücklein von Peonien wurz  
im munde zu halten / vnd ein wenig zerkäwet / vnd dar  
nach weg gesprützt / Auch ist gut / ein stücklein ein ge  
machtes Calmus zu nützen / wenn du nimmer trincken  
wilt / oder magsts ein halbe stundt vor dem abendessen  
thun.

Ein sehr gut Puluer / zu gebrauchen  
vor den Schwindel.

So du dich mit den vor geschriebenen pillen gereiniget hast/in acht tagen ein mal oder zwier/zu nützen inn einer fleischbrühe des morgens /vnd des abends /aber auff einem gebäten brod/darauff zwey oder drey tröpflein gebrantes Weins gethan/vnd mit dem puluer/als du auff einen halben groschen fassen kanst / das isß also zusammen hinein/trinck nit darauf/das thu in acht oder vierzehn tagen zwier/vnd las dis in der Apoteken zu richten.

**R.** Coriandri prepar. Cinamomi electi/ Sandali rub. añ. vn. ꝑ. galang. Gariofili. Zinbiberis añ. iij. ij. Se. anisi feni. Petroselini. melonum /milij solis añ. iij. ij. Cresce marine iij. j. Lapis spongie/iudai. ligni aloes añ. iij. j. Florum sticados Epichimi añ. scrup. ꝑ. Alkekengi nrv. v. saugui. hirci preparati iij. ꝑ. Zuehari quart. j. ꝑ. fiat puluis.

An solchem puluer kanstu fast einen ganzen Winter haben vnnnd gebrauchen /so oft dirs von nöten ist/zu dem Schwindel/so ist der Schwindel in alten stetes von kelte /vnd wenn er einem menschen lang anhangt/ist er auch von kalter feuchting /so mag man das puluer dester sicherer gebrauchen Winter vnd Sommer /vnd so einem jetzt schwindelt/der las die bein vnnnd füs mit warmen tüchern wol reiben/vñ so er dich nüchtern ankömpt/so faste nicht lange/odder nimm ein gebehet brot/vnd tuncß in einen Wein /vnd isß/oder nimm ein wenig Quittensafft/mit einem bitten gebehet brot/ dz ist sehr dinstlich / Auch soll sich einer nicht schnell umbwenden/vnd nit in tieffe gruben sehen/oder hohe berge steigen/denn solchs erhebet den schwindel/damit habe ein frölichs gemüt/vnd schlahe alle trawrige gedancß aus/vnud gedencß das Gott der Allmechtige dir will helfen/



helffen / vnd wirst gesundheit erlangen / vnnnd gedenc  
auff kein zufellige krankheit / vnd thu wie ich dich be-  
richt hab / so hat es will Gott kein not.

## Ein Regiment wider die verdrießliche vnd ungehorsame krankheit / die man den Ciprian nennet.

**D**ieweil ich viel guter freundt im Thal habe / die  
Oftmals schwerlich von solcher krankheit wer-  
den angefochten / den füge ich solchs Regiment  
zu wissen / so ist nu zu mercken / das zu der zeit Hippocra-  
tis des ersten erhebers der Erznei / ganz wenig erfun-  
den sein gewesen / die mit dieser krankheit weren belas-  
den / vmb messigkeit willen ires lebens / aber wie der Ga-  
lenus schreibt so bald die leut die messigkeit gelassen ha-  
ben / vnnnd mit mancherley essen vnnnd trincken sich vber  
die maß beladen / also das man nit mehr hat mögen da-  
zu thun / so hat diese krankheit vberhand gnommen / das  
vnzeliche leut daran ligen / etlich der halben / die sich gar  
nichts vben vnd gebrauchen / die allein der vollheit dies-  
nen / vnd also mit vndäwlicher völligkeit werden belas-  
den / die erstlich mit starckem Wein vor dem essen anhes-  
sen / als mit kalten Suppen / darnach mit Reinischem  
Wein vnd Bier zu spänden / das nichts mehr hinein ko-  
men kan / darnach folgt / das ander das nach iren begir-  
den / auch handeln etlich so sie in diesen stücken nit allen  
sonder in etlichen vbertreten / vnd so man in einem allei-  
ne hefftig vbertritt / so ist genug vrsach gegeben / zu sol-  
cher krankheit / denn auß diesen vrsachen werden auch  
die von natur zu solcher krankheit nit geneiget / damit  
G beladen /

*Antor Magister Magnus Hündt*

beladen / als sint Eunuchi/ welche ohn alles zuthun  
fleischlicher wollust/sonder allein aus nachlässiger sau  
ler art / vnd vnformlicher begirlichkeit zum essen vnn  
trincken/werden solche mit dem Ciprian beladen. Der  
wegen ist nicht alleine der Ciprian eine herrn krank  
heit/sonder auch der knechte/die dem Bacho vñ bauch  
also mit geneigtem willen gedient habenn/ denn solche  
hantirung belont sich selber.

So hat diese krankheit diese eigenschafft / wo sie  
bey einem einwurzelt/weicht sie nit leichtlich / vnn  
so sie mus weichen / so gedencet sie nicht lang aus zu blei  
ben/denn sie stehet stets vor der thür/vnd vmb einer ge  
ringen vrsach willenn dringet sie schnell inn die vorige  
behauung/vnn gedencet lang haus zu halten / denn  
sie befindet das man ihr gütlicher vnd fleissiger war  
ten will/durch vberflüssig gewulich leben / vnd jr stets  
zureiten/durch den gleichen zorn verschafft.

So stehet nun kürzlich das Regiment auff drey  
stücken also/Erstlich in ordnung des lebens/Zum an  
dern in legung der wehrtage / Das dritte inn reinigung  
vnd sterckung der glieder.

Mit ordnung des lebens soltu mercken/ das du al  
les must meiden/ das dir vrsach zu solcher krankheit  
gibe/wie zum theil gesagt ist/so ist die erste Regel/ das  
du inn allem abbruch thust / darein du vormals vber  
treten hast. So nimm dir für/Gott dem allmechtigen  
zu lobe vnd zu gedey deiner vnd deines nechsten gesunt  
heit/vnd fast alle wochen drey tage/also/ das du die an  
dern tage die du nicht fastest / nicht nach gewonheit  
in fällerey hin bringest/denn dis ist messig leben / dz du  
in allem da du forhin vbertreten hast/ abbruch thust/  
vnd



vnd leideſt/ vnd nicht ſchnell ſonder das du ohne nach-  
 theil abbruch leideſt/ Vnd ſo du faſteſt vnnnd das alter  
 bey dir iſt/ So begib dich nicht in groſſe vbung vnd ar-  
 beit/ vnd fülle dich nicht/ das du gar ſath wirſt/ ſonder  
 höre mit begir auff/ ſolchs helt einen menſchen luſtig/  
 Du ſolt geringe ſpeiſe nützen/ vnnnd ſo du die jugent an  
 dir haſt/ vnnnd gedenckſt ſteinen Zeuſer zu uerdawen/  
 ſo ſolſtu mir keinen Wein trinckenn/ So du aber einen  
 ſchwachen Magen haſt/ der ſeine kracfft faſt verloren  
 hat/ von ritterlichem vnd vberſchwenglichem ſauſſen  
 ſo magſtu wol aus ritterlicher vbung/ als ein vording  
 ter knecht/ ein trunck weins oder zwen das mittag mal  
 thun/ der aber geringe vnd nit ſtarek iſt/ den ſo du ſtar-  
 cken trinckſt/ wirſtu ihn bald befinden/ Auch magſtu  
 wol Salben/ Wein nützen/ ſo du purgire biſt/ iſt dir  
 gut/ ſterck die fälige glieder/ Sawr getrenck vn̄ ſpeis  
 iſt nit faſt gut/ auch mächerley ſpeis auff ein mal zu eſ-  
 ſen/ iſt dir ſehr ſchedlich/ dergleichen mancherley getren-  
 ck/ Eine gute Züner ſuppen odder Rind fleiſch brühe/  
 darzu ein gericht/ iſt faſt genug.

Auch ſoltu ſters etwas fürhaben zu thun/ vnd nit  
 bald dich auff das eſſen bewegen/ auch nicht ſchlaffen/  
 ſonder ſitzen/ ſtehen vnnnd kurzweil treiben/ mit kurz-  
 weiligen leuten/ vnd ſich nicht erzürnen/ vnnnd ſich den  
 Wein nicht laſſen gefallen/ denn es ſindt der Ciprianis-  
 ſchen heſſtige feinde. Auch iſt zu mercken/ das ein jeg-  
 licher der dieſe krankheit an ihm gewonlich pflegt zu  
 haben/ achtung auff ſich gebe.

Dieweil ſie ſich am meiſten rürt inn zunemung der  
 tag vnd des Herbs/ ſo iſt für zukomen von nöten/ mit  
 reinigung der vbrige feuchtigkeit/ die ſich in die glieder  
 pflegē zu legen/ wie verzeichent/ als mit aderlaſſen/ wer

es gewont ist im jar ein mal / vnd reinigen durch ein purgation / als du wol thun kanst / durch deinen verordneten leibarzt / so du aber keinen hast / so las dir im Mayen die Median am rechten arm / im andern jar im Herbst / die Leber ader / vnd so du im Mayen nit lassen wilt / so nim diese Purgation.

R. Electuarij lenitivi iij. iij. Diaph. M. iij. ij. Diapru. so. xxxj. in Decoctione passularum q. s. fiat haustus / den Tranc nim frühe warm / vnnnd halt dich wie auff eine Purgation / So dir Pillen lieber zu nemen sein / so nim diese nach geschriebenen Pillen frühe / auff ein mal gar ein.

R. Pillularum aggregat. xxxv. Setida maio. scrup. j. Diagridij gr. iij. fiant Pillule viij. cum melle Rosar. So du aber inn dem Herbst nicht läßt / so nim diesereinigung.

R. Diacatoli iij. iij. Diapr. so. iij. ij. Electu. hamech xxxj. v. cum Decoctio. pru. q. s. fiat haustus / Dis tranclein nim / wie du pflegest eine Purgation zu nemmen / frühe warm / etc. Odder mache dir dieses nach geschrieben.

Nim eine handtuoll klein Rosinlein / Süßholz / Steinwurz / jeglichs ein halbe handtuoll / Anis vnnnd Fenchelsamen ein loth / Senisbletter zwey loth / ein zäh Ingber zuschnitten / zehen Gersten Körner / solches las mit einander sieden / in drey nßel wassers / bis die helffte ist eingefotten / daruon thu zwey mal nach einander einen warmen tranc frühe / so dich der erste sehr lindet / so nim den andern vber den dritten oder vierdten tag / So du aber nach der ersten meinung dich halten kündest / du kamest der Trancheit mit vormittels Göttlicher hülffabe / on alle zuthun der Ergney vnd Apoteken /



ten/Auch ist gut/so du die krankheit hast/das du inn  
der stunde/so der Mon new/oder voll ist/die Ader auff  
der grossen Zehe schlagen lasset/so die jugent vor han-  
den ist.

Auch soltu nicht mit mancherley Ergney auffzu-  
legen vmbgehen/denn einer der lernt dis/der ander dz/  
also/das mann fast alle tage einen neuen artz/auch  
Ergney gebraucht/darauff vor lengerung der krank-  
heit kompt.

Aber lindereng zumachen soltu jm also thun/Erst-  
lich so sich der Ciprian mit röet hat begriffen/so reibe  
pilsen samen vnd Mahn inn branten Wein/das druck  
durch ein thuch/tunck darein ein lindes thüchlein/vñ  
legs auff die schwulst vnd wehtag.

Ein ander linderung/Vñ ein Ey oder zehen/koch  
sie hart.vnd nim die Totter heraus/vnd fülle das weis-  
se mit Mirrhe/thu sie zu/vnd lege sie in einen topff od-  
der glas deck es fest zu/vñ setz in einen Keller bey funff  
zehen tagen/den wirstu einen safft finden/damit schmi-  
re den wehtagen/wenn dirs not ist/es hilfft/Aber die  
zehen harte totter aus den Eyern thu in einen Mörsen  
vnd darzu ein gut stücke Rockener brosen/in milch ge-  
weicht/vnd ein wenig aus gedruckt/vñnd inn Mörsen  
geleget/darzu Rosen vñnd Camillen öl/jeglichs ij.lot  
gethan/vñnd zwey quintlin gestossen Saffrans/sol-  
ches alles zusammen im Mörsen wol gestossenn/vñnd  
auff ein thuch geschmiert/vñ drauff gelegt/lindet den  
hizigen Ciprian.

Ein ander gute linderung/wo der Ci-  
prian mit hize ist.

Vñ Milch reym/vnd zureib brosen von einer See

G iij mel

mel darein / vnnnd thu es wol durch einander/darnach  
nim gerieben Saffran / vnnnd mach es wol gelb / darzu  
nim Album grecum / vnd Mirrh klein gerieben / vnd in  
das mus gerüret / vnd streich das auff ein weich leder /  
vnd lege es auff die wehtage.

**So der Ciprian nicht mit rötte oder  
hitze ist / vnd hat dich lange geweret.**

**S**o nimm Zensffen werck / das mache vber einer  
glut warm / straw auff die glut weyrauch / las  
den rauch inn das werck sich ziehen / vnd lege dz  
werck also warm auff die wehtage offte / es wird dir los  
sung machen / vnd die vbrigen feuchtigkeit / die der Ci  
prian macht / verzeren.

Ein puluer zu stercken die glieder / Nimm Meyen  
blumen wurzel / die du auff den wisen findest / welche  
sunst heißen Harmodactili / diese wurzel schneit klein /  
vnd stoß sie zu puluer / nimm dauon vj. lot / Zimetrinde  
zwey lot / salben bletter / Lauenhel / jegliches ein quint  
lin / Krausemünz ein halbes quintlin / Kalmus / Gals  
gach / jeglichs zwey quintlin / solchs alles zu puluer ge  
stossen / mit zucker vermischet / darvon gebrauch des  
morgens / inn acht tagen zwier j. quintlein oder ein hal  
bes / inn einer lauter Erbs brüe / oder fleisch brüe wird  
dir die glieder wol stercken / Damit Gott in genaden  
beuolhen / Amen.

**Ein gemein Bericht etlicher vr  
sachen vnd Zeichen der Frankosen.**

**W**iewol dieser krankheit der Frankosen vrsach  
en von den vorstendigen vnd weisen Medis  
cis gnugsam angezeigt / vñ in die Capitel von  
den



den alten an den tag gegeben reducirt / So ist die vor-  
 gehenste vrsache / als vor allen feuchtigkeiten inn den  
 cörpern/die Melancolische / welche durch ihre giftige  
 scherpffe vnd vnartige qualitet vnd eigentschafft/sich  
 mit dem geblüt vermischet/ vnd in der leber vnd geäder  
 sich ermehret / welche furgehende vrsache durch die  
 krafft der leber durch das geäder in die mustulos/vnd  
 panikel/vnd zwischen fell vnd fleisch wirdt rausser ges-  
 trieben/vnd wirdt eine vrsache die krankheit ist/Wels-  
 che die Leber erstlich treibt an die scham / vnnnd an die  
 Stirn/als geschicht in andern krankheitē/ welche sich  
 erursachen aus der vbrigen hitzigen qualitet der Le-  
 bern/welche verbrennet das geblüt / Darumb kompt  
 diese krankheit am meisten von hitzigem verbrantem  
 geblüt / welchs das geäder durch krafft der leber vnn-  
 sich gibt/ vnd die glieder solchs zu der narung nicht an-  
 nemen/vnd treiben dz in die haut/ welche verlegt wird  
 durch die scherpffe/vnd wirdt eine giftige Kreze / wel-  
 che mann nennet die Frankosen / vnnnd einer von dem  
 andern entpfehet / nach geschicklichkeit eines jeglichen  
 cörpers.

### Vorgehende Zeichen der Frankosen.

**D**ieser vnflätigen vnd giftigen krankheit zeis-  
 chen sind diese/ Das im heupt/hals / schuldern/  
 Armen vnnnd Beinen ist eine beschwerung / die  
 gelenck verdrießlich zubewegen/ vnd nachlessigkeit als  
 ler glieder / vnd ist ihn/wie man ihn mit neffeln gebren-  
 net het inn der haut / Auch fület mann beschwerlicher  
 wehstage der glieder mehr des nachts denn des tags/  
 den die natürliche hitze ist krefftiger an zu greiffen/ die  
 wider naturliche feuchtigkeit aus zu treibē/ vñ bequē

was

machen / vnd je mehr giftiger feuchtigkeit vor handt  
ist / je lenger die natur dargegen arbeit / eh sie zum aus-  
treiben digerirt / Derwegen nach geschicklichkeit der  
cörper / vñ dieser giftigen feuchtigkeit mancher schnel-  
ler vnd langsamer von der natur überwunden wirdt /  
Also das die natur vmb giftiger vnart der feuchtig-  
keit zu keinem stande komen kan / derwegen werden eg-  
liche solcher krankheit balde los / egliche langsam / vnd  
egliche schleppen sich darmit bis inn die grube / Auch  
wirdt oft die natur in ihrer vbung verstöret durch bö-  
se Regiment vnd vnbequeme hülff der Erzt / welches  
in dieser kränkheit am meisten geschicht / So thut man  
die beste hülff inn wegnemen der vrsachen / welche nicht  
wirdt entnommen / one erkentnis gewisser Zeichen / wel-  
che vnterscheidlich sind / nach gelegenheit der vbrigen  
feuchtigkeit / Wiewol selten eine feuchtigkeit nachteil  
macht / Diweil aber sie vnter der substanz des gblüts  
vormischet stehn / so mus man sich erkunden durch vn-  
terscheit der Zeichen / eins gegen dem andern zuuerglei-  
chen / welche anzeigung geben die vbertrettung einer  
feuchtigkeit vber die andern / vnd nach solchem erkent-  
nis / als wo die blattern gelblicht aus schlagen / vñ mit  
hefftigen wehtagē / mit grossem schmerzen / mit vmb  
fressen der haut / so sind sie vonn scharffem gebrantem  
geblüt / Vñnd so sie sich weit außbreiten / ohne hefftige  
wehtage / vnd doch beschwerung machen / sind sie von  
salzigē schleim / welcher sich mit dem geblüt vermischet  
vñnd so fort an / Derwegen aus solchen Zeichen / sampt  
der krankē natürlicher Complexion / alter vñnd zeit /  
erkentnis / mus mann die ordnung der hülffe anstellen /  
Welche stehet auff sieben meinungen / Vor allen ist zu  
wissen / das mancherley hülff dieser krankheit geschich-  
het /



het/erſtlich durch trencke/vnd ſchwelsbad/auch durch  
den rauch/welcher in der ſchriſſte keinen grundt hat/et  
liche aber durch ſchmir/welche nach meinung der erfar  
nen/am hilfflichſten vnd zutreglichſten iſt/etlich durch  
das holz hilff ſuchen/welchs man nennt Lignum quai  
cum/sampt ein harten Regiment/welches am meiſten  
nach gelegenheit des krancken am zutreglichſten iſt/als  
ſo/das faſt ein holz von einem Birn oder Apffelbaum/  
ſampt ſolchem Regiment/die Wirkung an jm hat/als  
das holz Quaicum/jedoch ich ſolches in ſeinen werden  
bleiben laſſe/das dieſer kranckheit vnd aller hilff/nicht  
allein ſteht in zuthun des widerſpiels/ſonder auch in ei  
nem guten Regiment/welchs da ſtehet in rechtformis  
gem gebrauch der ſechs ſtück/der wir nicht meiden mö  
gen/vnd vnns zu kranckheit verurſachen/Erſtlich der  
luſſt/welche ſich neben ſoll zur feuchte/sampt einer zim  
lichen wärme/vnd ſey eins guten geruchs/welchs man  
im Sommer mach mit ſprengen/als Roſen wasser vnd  
Eſſig/auch Roſen/Veieln/Säeblumen/Weidenblees  
ter/in Eſſig geweicht/ſtrawen/vnnd also die luſſt des  
Sommers endern/nach bequemlichkeit des Krancks  
en.

## Mit eſſen vnd trincken/ ſoll man ſich also halten.

**D**ie Speis ſoll linde/däwlich vnnd ſubtil ſein/  
Das iſt im groſſen abbruch/So merck das gro  
ſſer abbruch/vnnd ein ſehr ſubtil Regiment/inn  
langwerigen kranckheiten ſehr nachtheilig vnd ſcheds  
lich iſt/derwegen ſteht der abbruch in zimlicher weiſe/  
auff das die Natur/die ſonſt durch weherag verſtört  
wirdt/

wird/nicht nacht heil leide/sonder durch die speis erhal-  
ten/bis zu überwindung der krankheit / so soll er nicht  
warm brod/noch sehr altes/sonder das zwischen zweien  
oder dreien tagen gebacken ist/essen/jr fleisch zunützen/  
soll sein junge Hanen/die noch nit coirt haben / welcher  
gebratens/zu der natürlichen narung vor allem Wild  
brät ein vorgang haben / auch suppen von guten Hen-  
nen/vnd jungem Rind fleisch/sind in dienstlich/alt fleis-  
sche/vnd das da sehr feist ist/vnd geräuchert/sehr gefal-  
zen fleisch/vnnd Fisch sollen sie meiden/aber so sie mö-  
gen haben Phasan / Birkhanen/ Birkhennen/ Hasel-  
hüner/ Kaphüner/wilde Tauben/junge Böcklein/ Kel-  
ber vnd Lemmer/auch allerley Feder wildbrät/on Gen-  
se vnd wasser Wildbrät/mögen sie nützen / So ist auch  
sam fleisch in diesem fall bequemer / denn hoch Wilder  
denn es hat mehr feuchtigkeit/vnd ist bequemer zu an-  
derung der feuchtigkeit/ Fisch auß frischem wasser die  
da schüpiche seind/mögen sie essen/ Gersten/Graupen/  
Habernbrey/mit Mandelmilch abgeriben/sampt abge-  
schelten kalten samen als Körbis/Melaum samen/auch  
andere müßlein mit Eiern vnnd gries gemacht / nicht  
mit milch / sonder mit wasser / sind gut zu nützen/Von  
grünem Kraut/als Spinet/Beißöl / mit Peterfilien/  
vnd Fenchel/Vorrage vnd Ochsen zunge mag man ge-  
kocht genießten/Auch mag man auß Lactuc vnd Peter-  
filien mit Weinberlin/Eßig/ein Salze machen / vnnd  
zu der Speise genießten/Sawerkraut / Erbiss/ Linsen/  
one Kichern sollen sie meiden/Weiche frische Eyer/ Zie-  
gen milch/so kein wehstage des Haupts / oder schwach-  
heit des Magens / odder hitz der Leber vorhanden ist/  
Alle eingeweide der Thier sollen sie meiden/auß genom-  
men die Lebern vnnd Tiernlein / von Jungen Hanen/  
welche



welche gute narung geben / Obs mag man vor dem essen  
gebrauchen / vnd sonderlich vor dem Abendmal / auff  
einem Granaten wein / oder ein trunck von guten subtilen  
Wein / darauff gethan / Auff das essen soll man nie  
Wein / noch andere süsse eingemachte Confect brauchen  
en / noch Obs genieffen / denn es verderbet die speis im  
Magen.

Wein der da klar / nit zu hertlich / noch süsse / mögen  
sie gebrauchen / vnd so wehtag vor der hand sein / sollen  
sie ihn vermischen mit Ochsenzungen / odder Borragen  
wasser / oder gut klar selbstendig Bier nügen / bis sich  
die krankheit zu dem end nehet / so mag er wider wein  
nügen in zimlicher masse / wie denn der gebrauch aller  
ding / die er zu sich nimpt / inn zimlicher maß stehen soll /  
Den je mehr man krancke Körper füllet / je mehr man in  
schaden zufügt.

Natürlicher schlaff welcher die natur krefftigt / ver-  
bertritt nit das ziel / als bis in die achte stundt / Auch ist  
es in dieser krankheit nicht so nachtheilig vbrig schlaf-  
fen / als wachen / Den mittags schlaff soll er meiden / es  
wer denn / das er vor wehtag des nachts nicht geschlaf-  
fen het / Er soll sich auch mehr inn ruhe denn in beweg-  
nus begeben / sonderlich wenn er Erznei pflegt / in wel-  
chem die Landtfährer vbertretten / zimliche bewegnis  
ist vor essens gut / Er soll auch zorn / wütung / forcht /  
vnd sorgfeltigkeit ausschlahen vnd ein tröstlich gmüt  
fassen / das er vormittels Göttlicher hilff gesundtheit  
erlangen wirdt. Er soll achtung haben das er linde im  
leib sey / vnnnd vnderzeiten solchs Cristierlein zu richten  
lassen.

Nim Pappeln / wilde Rauten / Mercurialis / Cam-  
millen / jeglichs ein handt voll / vnd Borragen ein halbe  
S ij handt

handt voll/ Solchs Koch/ nim von der brühe durch geset  
het/ ein halb nßel/ darzu sechs lot Baumöl/ zwey quinte  
lein Salz/ solchs Cristier setze ihm lawolich / so du wilt/  
das es härter linden soll / thu zwey lot Cassiefistel das  
runder / oder ein lot Benedicta / so hastu ein schärpffer  
Cristier / Oder man gebe in oben ein / dieses nachgeschrie  
ben.

Nim Cassiefistel newlich außgezogen sechs quinte  
lein. Dyacatoliconis ein halb lot / vermische das / vnd in  
wild Rauten wasser trinckes früh warm.

Die ander meinung steht in abbruch vbriger feuch  
tigkeit / als welchs man endt mit dem Electuario Dyac  
catoliconis / Zamech / Indi. inn Decoctione florum es  
fructuum additis Sene et Epitimi / Oder in pillen wei  
se / als pillen de fumo terre fetidarum / vnd so wehtage  
sind de homo dactilis vnd auree / oder de helleboro / wel  
che die letzten sind / Darnach sind die Gold adern zu er  
öffnen / vnd brechen ist im anheben solcher langweiligen  
Krankheit sehr gut / denn es preservirt vor wehtage  
der glieder.

Die dritte meinung ist / das man die vnartige vnnnd  
wider natürliche feuchteigkeit der Franzen bequeme  
mache auszutreiben / inwendig durch trencke / außwen  
dig durch schmirer / als durch Syrup / nemlich Syrus  
pum de pomis / welcher vor allen den fursprung hat /  
de fumo terre / de buglossa mit ihren wassern / zu nützen  
sechs tag frü des morgens / Als.

R. Syrupi de pomis lupulorum de fumo terre / aff  
vn. v. Aquarum Buglosse / Cicore / fume terre añ. vn. j.

Oder laß die decoction Epithimi zu richten / welch  
durch den Mesue wird beschrieben / in der siebenden Dis  
tinction / oder nim ein gute handt voll Cicore / mit wur  
Geln /



geln/doch sie inn Wasser/trinck allen morgen darnon/  
vnd wenn du von dem Syrup odder tranck drey tage  
frühe getruncken hast/ als denn auff den abende/ hebe  
dich an zu schmieren / mit dieser nachfolgenden Schmi  
re.

Nim Butter die vngsalzen ist/ sechs loth/ Schwei  
nen schmalz/ das nicht zu alt vnd nicht zu jung ist/ ein  
pfunde/ guten Tyriack drey loth/ Mitridat zwey loth/  
Quecksilber vier lot/ Litargirum/ Salz/ jeglichs zwey  
loth/ Daraus mache ein Vngent mit Scabiosen/ odder  
wilde Rauten wasser/ du magst auch zu dieser Schmie  
re ein quintlein Rheubarbarum/ Sandal/ oder Neglin  
thun/ nach deinem wolgefallen/ Vnd wenn du dich des  
abendes drey mal geschmieret hast/ vnd den Tranck  
sechs mal nacheinander getruncken/ so nim diese Purga  
tion.

R. Elec. lenitiui cassie duc. añ. iij. iij. Indi. mi. Cono  
sec. Zamech añ. iij. ij. in decoctione florum et fructuum  
fiat haustus.

Aber nim diese Pillen. R. pillula de Sumo terre/ Je  
rida. auree. añ. scrup. j. Diagr. gr. iij. fiant Pillu. ix. cum  
aqua Sumo terrae.

Diese Pillen nim auff ein mal gar/ halt dich darauf  
wie auff eine Purgation/ Wenn du dich purgiert hast/  
so mach dir ein Schweißbad von Kreuteren/ als Bapa  
peln/ Ibisck/ Melde/ Camillen/ Rosen/ groß Lattich/  
wilde Rauten/ solchs las mit wasser sieden/ vnd mache  
dir ein Schweißbadt/ vnd so du inn das bad gehest/ so  
nim von diesem nachfolgenden wasser/ nim Ibisck wur  
zel/ Alantwurz/ groß Lattich/ jeglichs ein quart/ Di  
ptan/ Tormenticill/ jegliches zwey loth/ wilde Rauten/  
Hopffen/ Scabiosen/ Bethonien/ mit der Wurz/ jeg  
lich

lichs zwey handt voll / solchs schneit klein / vnd weiche es  
in anderthalb kandel guten Maluasier tag vnd nacht /  
darnach thu anderthalb loth Tyriack darin / vnd distil  
lier ein wasser / dauon nim v. leffel voll in ein wenig Me  
lissen wasser / solch Schweisbadt thu inn sechs oder sie  
ben tagen ein mal frühe / oder ein stundt vorm abends  
essen.

Die sechste meinung steht in sterckung des hertzen /  
als nim von einem gebraten Raphun ij. lot / süsse abge  
schelte Mandel v. lot / solchs gestossen vnd gerieben mit  
Rosenwasser / oder mit einer guten Zünerbrü durch ge  
rieben / vnd mit Zucker / Zimet rinden / vnd Eier dotter  
lein in süplin gemacht / vnd genügt / oder laß dir in der  
Apoteken diese sterckung machen.

R. Specierum leticie gal. Diamu. dul. añ. iij. j. Arc.  
gario. iij. v. conserue Buglosse Citomoru Bor. añ. vn. j.  
cum Syrup. de pomis / fiat mixtura.

Oder die sterckung. R. Pulpe perdicis vn. j. Amig.  
dul. vn. j. v. Sisticoru auellanorum preparatorum añ.  
vn. j. Cinamomi electi iij. ij. Zuchart in aqua Rosa. q. s.  
fiat Confect in morsel. de aurentur.

Die siebende meinung / stehet in rechtefertigung der  
zufell / als inlegung der wehetagen / welche zulegen soll  
man erstlich mit linder erzney vmbgehen / als sind Cas  
millen / Tille / Mellilotum / Ibis / Eier totter / oder die  
öl darvon / Frawen milch / vnd so solche nit helffen wol  
len / so mach dir dis / nim Lilien wurzel / Pilsen samen / jg  
lichs drey quint. Ceruse ij. lot / Sirzen vnd Kelber mar  
cke jeglichs iij. lot / solchs mit altem öl vermischet / mach  
ein Vngent / damit schmierre wo dir weh ist / vnd so es  
die wehetagen nicht leget / so thu ein wenig Opium dar  
rein.

Ein



## Ein gute Purgation / wider das reissen der glieder / nach den Frankosen.

R. Juniperi pipe lon. an. zinzib. an. scrup. j. Ambre  
gr. x. Pulpe cassie vn. ij. Turbit iij. iij. Euforbij iij. ij. Her  
modac. vn. j. Succi ros. vn. v. j. Cynamo. iij. j. Coaguli he  
di. iij. ij. omnia simul misceantur in formam Electuas  
tij.

Von solcher Latwergen nim in acht tagen j. quint.  
Zureib das in wilder Rauten wasser / des morgens früe  
warm.

Auch ist gut gestoßen Lorbern mit ein wenig pula  
ter / von Hermodactilis vnd Zimettrinden / früh in war  
nem Bier getruncken.

## Vor schäden des munds.

Wenn einer geschmiert wirdt / so wäscher drey mal  
des tags den munde auß / Nim Honig wasser / darinne  
as sieden Tormentill / Diptan / Säßholz / Bibenell vñ  
Nastix / damit den munde auß geßläht / Auch soll man  
vor vnd in der schmirre Nastix Körnlin káwen / oder aus  
im gbrenten Wein nützen / den er wert das die schmirre  
nicht durch den mund / sonder vnden auß wirckt.

So dir wehe im halse ist / Nim Rosen bletter / Ros  
emarin / Salben bletter / Pomeranzen / vñnd Margen  
spffel schalen / so viel du wilt / las das sieden inn Wein  
oder inn Honig wasser / thu darzu ein lot Alaun / damit  
sorgel ein mal oder zehen des tags / darnach nimm ein  
venig von dem Vngent Egiptiaci auff die zunge / vñd  
as zurgehen.

## Vor die flechten.

Nimm Litargirij ein halb quart / darauff gens  
ein

ein halb nößel guten Weinessig/vnd weis von dreien ern/solchs durch einander gerürt/darein nege ein tüchlein/vnd legs auff die flechten.

### Ein anders / vor Flechten der Hände.

Nim Weytzen äher / die brenne zu äschen / darauß mach ein Lauge / las darinn zergehen zwey loth Galsbaum/darauff wäsche die händt abents vnd morgens warm.

Was aber schaden die vmb sich fressen / Sistel vnd Krebs/die solcher krankheit zufellig nachfolgen / mit den beulen/die befehl ich den die damit vmbgehn / aber dieweil solche krankheit empfenglich ist / vnd gemeinlich ein Mensch von dem andern in vnzucht fleischlich er wollüst vber kompt/soll man von solcher vbung ablassen / vnd sich halten wie im Regiment ist angezeigt / Darneben alle Jar sich lassen zwier reinigen/als in dem Mayen mit wilder Rante vnd Zigen schotten/ oder die Medlan schlagen lassen / vnd im Herbst mit Rhenbarabara wer es vermag /also / Nim zwey quintlein Rhenbarabara/ein wenig gut Zimmetrinden/ solchs schneide klein/ weiche das inn Rosinlein brühe / oder Sewdistelwasser/vnd ein leffel Weins/eine nacht/ druck sie früh hart durch ein thuch auß/ thu dazu zwey quintlin Dyaprunis vnd zutreib das vntereinander/vnd trinck das früh warm auß/ faste darauff fünff stunde/oder lass dir die Leber ader schlagen/nach gelegenheit deines alters/So dich aber nichts hilfft/wie sichs mit manchen begibt/So mach dir diesen hernach geschriebnen tranck.

Nim



Nim Lorbern/Alantwurgel/ Holwurz/ jegliches  
 ein lot/ Wermut/ Salben bletter/ Roten Beifus/ wild  
 Rauten/ jeglichs ein handuoll/ Senes bletter zwey lot/  
 Anis/ Fenchelsamen/ jeglichs ein halb lot/ geus darauf  
 drey Kannen Wein/ aber so viel guts altes Biers/ nach  
 gelegenheit der Kranckheit/ vnd las inn einem wol bes  
 deckten Topff drey finger breit einsieden/ diesen Trancē  
 trinck frühe warm/ ein halbes köpflein voll/ vnnnd  
 auff den abend so du zeitlich gessen hast/ von  
 diesem Trancē trinck vierzehn tag nach  
 einander/ so wirst du besserung be  
 finden/ So wirt GOTT für  
 solcher Kranckheit weis  
 ter behütten.

## Wie man gebrannte Wasser nützen vnd gebrauchen soll.

**S**etz zu mercken/ das gebrante Wasser nicht als  
 lein sollen gebraucht werden zu trincken/ denn  
 sie sind nachtheilig/ vnd schaden dem Magen/  
 vnd machen einen grawen/ So man sie aber in den leib  
 gebrauchen will/ vnd ist kein Fieber vor der handt/ so  
 zu man vnder ein trüncklein Wassers/ ein leffel voll  
 Oeins/ oder Zucker wasser/ vnd so ein Fieber vor han  
 den ist/ soll man ein wenig Gerstenwasser darunder ver  
 mischen/ vnnnd also gebrauchen/ So einer ein Fieber hat  
 mit hitz/ als ein Tertian/ der neme Sewdistel/ Sawer  
 ampffer/ Ochsenzung wasser/ mit ein wenig Gerstens  
 wasser vermischer/ thu drey mal nach einander ein glas  
 warmen trunck früh/ Den vierdten tag nim ein hal  
 be vng

be vnz. Dyaprunis frühe / faste darauff fünf stunde /  
die andern drey tag gebrauch alle morgen ein warmen  
trunc / von diesem nach geschriben Wasser / nim Sew  
distel / Scabiosen / Sawrampffer / Beifus wasser / jeg  
lichs gleich viel / vermisch das mit Gersten wasser / thu  
einen trunc darvon / wie gesaget ist / Du solt auch das  
Gersten wasser inn jeglichs trüncklin / ehe du das were  
mest / vermischen / Solches thu bis an den siebenden tag  
ge / vnn so der harm vonn der röte ablest / so las du mit  
dem Wasser zu trincken auch abe / So sind etliche Wa  
ser dienstlich zu den Gliedern / welche verzeichnenet sol  
gen.

So ist zu mercken / das man zu hizigen krankheiten  
kühle wasser / vnd zu kalten krankheiten hizige wa  
ser / gebrauchen soll.

Hizige wasser zu dem Haupt. Salben / Rauten / Le  
uendel / Mayoran / Veldt kämel / Solunder blät / Wol  
gemut / Linden blät / Basilica.

Kalte wasser zu dem Haupt. Rosen / Veielen / Sa  
gendorn blühe / Säheblumen / Weiden / Nachtschat  
ten.

Wasser zu den Augen. Eisenkraut / Rittersporn  
Rosen fenchel / Rauten / Augentrost / Schelkraut / bla  
we Kornblumen.

Hizige wasser zu der Brust vnd Lungen. Isop / A  
lant / Liebstockel / Gott vergis / Salbey / Camillen / Ve  
nus har / Pappeln / Tosten / Poley / Eibisch.

Kalte wasser zu der Brust. Veiel / Sagenbutten  
Maulber / Mayenblut.

Hizige wasser zu dem hergen. Rosenmarin / Melis  
sen / Alant / Ochsenzunge / Borrage / Raphan was  
ser.

Kalte



Kalte wasser zu dem hertzen. Rosen vnd Veiel wasser.

Sizige wasser zu dem Magen. Krausmünz/Wernut/Rettich/Gott vergis/Rauten/Wolgemut/Senshel/Mutterkraut/Anis.

Kalte wasser zu dem Magen. Wegebreit/Lactuc/Kürbis/Quitten/Rosen/Veieln.

Sizige wasser zu der Lebern. Wermuth/Wilde Rauten/Pfefferkraut/Salbey/Bethonien/Eupatorium/Venus har/Louendel/Mayoran.

Wasser die die Leber külen. Ampffer/Rosen/Lactuc/Sewdistelen/welches getemperierter Natur ist/hinderleufft/Sersten wasser/Sigen schotten/Portus rcken.

Wasser die den Milz higen. Hirzen zungen/Ochs nungen/Borragen/Capern/Tamariskus/Himmels blüffel/Spicenard.

Die da külen. Sigen schotten/Sewdisteln/Lactuck/Kürbs/Melon.

Sizige wasser zu den Nieren/vnd der Blasen. Risen brühe/Sonig wasser/Eiserhardt/Steinbrich/Silder Sirß/Wachholter/Buchampffer/Brannellen/Reißwurz/Thill/Petersilgen/Senchel/Liebstockel/aldrian/wilder Knobloch/Rettich.

Die da külen. Säheblumen/spiz Wegerich/Weges eit/Sirten tasche.

Wasser die die Mutter higen. Melissen/Sadebaum ostern/Beifus/Pfefferkraut/Brunnkress/Camillen/eldetämel/Pferdemünz/Boley/Garthheim/Mercus alis.

¶ ij Wasser

Wasser die da külen. Wegbreit/ Fünff finger kraut/  
Melde/ Hirten tasche/ Sæblumen/ Rosen.

Sizigewasser zu den gliedern. Rautten / Salben/  
Camillen/ Johannis kraut/ Iuen / Haselwurz kraut/  
Klessel/ Tostten/ Bernklawen/ Beyfuß.

Vor die Beermutter. Poley/ weis Lilien / Sieben/  
gortel. Camillen/ Thill/ Sadebaum/ vor allen ist gut  
Gartheim.

Zu dem Angesichte wasser. Lilium conualium/ Bo  
nen blüt/ Rosen wasser mit Campffer gemacht.

Vor das Zipperlein. Zarnessel wasser auff die  
wehetage geleget / Mayen blumen /  
vnnnd deren gleichen.

Damit der friede **GDZEE** mit  
vnns allen / **AMEN**.



Register



# Register vnd innhalt / dieses Büchleins.

<b>I</b> n gemein bericht der Brustkrankheit.	ij.
Wider den schweren Athem.	ix.
Für das böse Wetter.	xvij.
Von Heiserkeit der Sprache.	xx.
Für den Schwindel des Haupts.	xxj.
Ein Regiment wider den Ciprian.	xxv.
Ein bericht etlicher vrsachen der Franckosen.	xxvij.
Gebrauch der gebranten Wasser.	xxxij.

Ende des Registers.











SAL sacerdotale sit confect<sup>2</sup> R<sup>o</sup> flores  
myrsati, Cinnamon<sup>o</sup> Cinnamon<sup>o</sup> Piper  
Zitron<sup>o</sup>, myrsati<sup>o</sup> Conterat<sup>2</sup> q<sup>uod</sup>libet sen  
oxim de uno tantum sint de re i<sup>n</sup>g<sup>o</sup>  
Et de sale semp<sup>er</sup> in duplo plusq<sup>ue</sup> de alijs sp  
cijs, myrsati<sup>o</sup> tunc in simul Et sic  
habetur Sal sacerdotale p

Das du dich Konst des v<sup>er</sup>ra<sup>u</sup>ses  
be<sup>u</sup>hen<sup>u</sup>en

Nym ey<sup>n</sup> kebs anze Z<sup>u</sup>stoss & t<sup>u</sup>im<sup>u</sup>  
Oder p<sup>u</sup>ter sitze samen y<sup>n</sup> Bier a<sup>u</sup>sg<sup>u</sup>et<sup>u</sup>  
Oder n<sup>u</sup>ssell samen 1 Ken

Extr<sup>u</sup>pe aus den G<sup>u</sup>mb<sup>u</sup>sch  
N<sup>u</sup>rolai de Met<sup>u</sup>ei libelly folio 24



*Conche Petroselinum in eyer Kuchly <sup>flerke</sup>*

*Vide vgm Bierbrennen libellu <sup>di</sup> 1.6.  
ibi inulde commendat<sup>2</sup> ~~if~~ <sup>herba</sup>  
emphrasa potus Angelkopf Bier  
et q<sup>ue</sup> sequuntur*

*Cum primum in dextro latere cubandum  
ne sciret ne hiet os mentionuli Vide libel.  
Ium de Anima*

*Proverbia Ductoria Hæterusij tradunt  
regulas de tre du Valentia ibi p Med*



ACCESSION NUMBER

66306

PRESS MARK

2035

*ba  
die cytel marker windt  
Halee modere*

*ducha Die Jona  
15. Libe alia exige*



